

ማርቆስ ፻ፊ ዳ ዩሱፍ ኪሪስቶስ ዋንጌላ ጋሳ ቆፋ

ማርቆስ ዋንጌላይ፡ «ሃይሲ ያሳ ናዓ ዩሱስ ኪሪስቶስ ዋንጌላ ደሜላ» ጊሼ ኮይሮ ደሜሰ፡ ሃ ዋንጌላን ዩሱሲ ኦሶ አሲኔ ማታ አዋ ገዲዲ ሸቁሰ፡ ኢያ ማታይ ኢያ ቲሚርቲያን፡ ቱና አያና ቦላ ደዒያ ዋልቃኒኔ አሳ ናጋራፔ ማሬይሳን ቆንጨሰ፡ ዩሱሲ፡ «ታኒ፡ አሳ ናጋራ አይሌቴላፊ ኬሳናው ታ ዴዑዋ አላዳ ኢማናው ዩዳ አሳ ናዓ» ያጊዲ ባ ደናን ሃሳዪሰ፡

ማርቆስ ዩሱፍ ታሪኪያ ሱሬ ኦንኒኔ ዋልቁ ኩሚዳ ኦንኒ ኦዲሰ፡ ማርቆስ ዩሱፍ ቃላኔ ቲሚርቲያ ገደናሽን ኢ አላዳ ማላሊሲያ ኦሶታ ባይራዩዲ ኦዳሰ፡ ማርቆስ ፻ማቂያ ዮሃኒስ ታሪኪያ፡ ዩሱፍ ደንቃቲያኔ ኢያ ፓጩቴላ ቃንላን ኦዲ ሲሚዲ፡ ዩሱፍ ቲሚርቲያኔ ኢያ ፓሱዋ ዳልጊሲዲ ኦዳሰ፡ አቂ አቂ ቢሽን ዩሱፍ ታማሬቲ ዩሱፍ ሎይሊዲ ኤሪ ኤሪ ቢደሶና፡ ሽን ዩሱፍ ኢዳይሳቲ አላዲ ኢዳሽ ኢዳሽ ቢደሶና፡ ዉርሴላ ሽምፖቲ ዩሱፍ ዴዖን ዉርሴላ ሳሚንታን ፖሌቲዳ ኦሶታባ ኦደሶና፡ ሃሳቲካ ኢያ ካቂቴላኔ ኢያ ዴንዲዋባ ኦደሶና፡

ማርቆስ ዋንጌላ ኣይፌ ቆፋታ

ዋንጌላ ደሜላ 1:1-13

ዩሱሲ ጋሊላን ባ ኦሱዋ ኦይኪዳይሳ 1:14-9:50

ዩሱሲ ዩሩሳላሜን ኦላዳ ኦሱዋ 10:1-52

ዉርሴላ ሳሚንታ ዩሩሳላሜ ሄራን 11:1-15:47

ዩሱፍ ሃይቆፔ ዴንዲዋ 16:1-8

ሃይቆፔ ዴንዲዳ ጎዳ ቆንጨላኔ ሳሎ ኬሳ 16:9-20

፻ማቂያ ዮሃኒሲ ኦን ጊጊሴሰ

(ማቶ 3:1-12፤ ሉቃ 3:1-18፤ ዮሃ 1:19-28)

1 ሃይሲ ያሳ ናዓ ዩሱስ ኪሪስቶስ ዋንጌላ ደሜላ፡፡ 2 ናቢያ አሳያሲ ፻ፊ ዳ ማፃፋን ያሳይ፡

«ሄኮ፡ ታኒ ታ ኪታንቹዋ

ኔፔ ሲንሴ ዩዳና፡፡

ኢ ኔ ኦጊያ ጊጊሳና፡፡

3 ኢሶይ ባዘ ጊደን ባ ቃላ ቶቁ ኦሴዲ፥
 ረጎዳ ኦጊያ ገቢሲቴ፤
 ኢ ሃሙታና ሆርጋ
 ኢያው ሱሪሲቴ ገሰ »
 ያጌሰ።

4 ምቁያ ዮሃንሲ ኣሳ ምቁሽ፥ «ሂንቴ ናጋራፔ ሰሚዲ ምቁቲቴ፤ ያሳይ ሂንቴ ናጋራ ኣቶ ጋና» ያጊዲ ቃላ ኦዲሽ ባዘ ቢታፊ ዩሰ። 5 ዩሁዳ ቢታን ዴዲያ ኣሳይ ኡባይኔ ዩሩሳላሚ ካታማ ኣሳ ኡባይ ዮሃንሳኮ ዮሶና። ባንታ ናጋራ ፓዲን፥ ዮሃንሲ ኤንታ ዮርዳኖሴ ሻፋን ምቁሰ።

6 ዮሃንሲ ገማሌ ኢኪሴፔ ዳዳቲዳ ኣፊላ ማዔሰ። ባ ያሳን ዳፎ ዳንጨሰ፤ ቃሲ ቦሌኔ ዳጌራ ኤሲ ሜሰ። 7 ዮሃንሲ ቃላ ኦዲሽ፥ «ታፔ ጉዩራ ዳሮ ሚኔይሲ ዩሰ። ሃሪ ኣቶሺን፥ ታኒ ኢያ ጫማ ዎዶሩዎ ሆካዳ ቢላናው ቤሲኬ። 8 ታኒ ሂንቴና ሃላን ምቃይሰ፥ ሺን ኢ ሂንቴና ጌሻ ኣያናን ምቃና» ያጊሰ።

ዩሱሳ ፓጨቴሳ
 (ማቶ 3:13-17፤ 4:1-11፤ ሉቃ 3:21-22፤ 4:1-13)

9 ዩሱሲ ሄ ዎዴ ጋለላ ቢታን ዴዲያ ናዚሬቴ ካታማፔ ዩን፥ ዮሃንሲ ዮርዳኖሴ ሻፋን ኢያ ምቁሰ። 10 ዩሱሲ ሃላፊ ኬያ ዎዴ ሳሎይ ዶዩቲን፥ ጌሻ ኣያናይ ባ ቦላ ሆሌዳ ዎዲሽን ቤዒሰ። 11 ቃሲ ሳሎፔ፥ «ታኒ ዶሲያ ታ ናዓይ ኔና፤ ታ ኔናን ኡፋይታይሰ» ያጊያ ቃላይ ዩሰ።

12 ኢራ ጌሻ ኣያናይ ዩሱሳ ባዘ ቢታ ኤፊሰ። 13 ዩሱሲ ባዘ ቢታን ዓላሄን ፓጨቴሽ ኦይታሙ ጋላሰ ጋምዒሰ። ደዓታራ ዴዒሰ፥ ሺን ኪታንቸቲ ዩዲ ኢያ ማዲዶሶና።

ዩሱሲ ሞሎ ኦይኪያ ኦይዲ ኣሳታ ያጊሰ
 (ማቶ 4:12-22፤ ሉቃ 4:14-15፤ 5:1-11)

14 ዮሃንሲ ቃሽቴዳፔ ጉዩ ዩሱሲ ያሳ ካዎቴላ ዎንጌላ ኦዲሽ ጋለላ ቢታ ቢሰ። 15 ያን፥ «ዎዴይ ጋኪሰ፤ ያሳ ካዎቴላይ ማታቲሰ። ሂንቴ ናጋራፔ ሰሚዲ፥ ዎንጌላን ኣማኒቴ» ያጊሰ።

16 ዩሱሲ ጋለላ ኣባ ማታራ ኣዲሽ፥ ሞሎ ኦይኪያ፥ ሲሞናኔ ኢያ ኣሻ ኢንዲሪያሳ፥ ባንታ ገቲያ ኣባን ዩጌይሳታ ቤዒሰ። 17 ኤንታኮ፥ «ታና ካሊቴ፤ ታኒ ሂንቴና ኣሴ ኦይሉ ታማርሳና»

1:3 ኢሳ 40:3 1:6 2ካዎ 1:8 1:11 ሜዴ 22:2፤ ማዘ 2:7፤ ኢሳ 42:1፤ ማቶ 3:17፤ 12:18፤ ማር 9:7፤ ሉቃ 3:22 1:15 ማቶ 3:2

ያገለግሉ። 18 ኤንቲ ሶሁዋራ ባንታ ገቲያ ዩጊ ኣጊዲ ዩሱሳ ካሊደሶና።

19 ዩሱሱ ጉሌ ሰንሐ ቢዲ፥ ናምዑ ኢሻታ ዛብዲዮሳ ናይታ፥ ያይቆባኔ ዮሃንሳ ዋሳጡ ገደን ባንታ ገቲያ ገገሴይሳታ ቤዒሰ።

20 ኢ ኤንታ ቤዒዳ ሜላ ጭሰ። ኤንቲ ባንታ ኣዋ ዛብዲዮሳ፥ ኢያ ኦሳንቸታራ ዋሳጡ ገደን ዩጊ ኣጊዲ ዩሱሳ ካሊዲ ቢደሶና።

ቱና ኣያናይ ኦይኪዳ ኡራይ ፓዲስ (ሉቃ 4:31-37)

21 ኤንቲ ቁፊርናሆሜ ካታማ ጌሊደሶና። ሳምባቲ ጌሊዲ ሜላ ዩሱሱ ኤሌሲዲ ኣይሁዳ ዋሳ ከሌ ጌሊዲ ታማርሶ ኦይኪሰ።

22 ማታራ ዳዒያ ኣሳዳ ታማርሴሲ፤ ኣቲን ሂጌ ኣሰታማሬታላ ታማርሶና ገሾ ኣሳይ ኢያ ቲሚርቲያን ማላሌቲደሶና።

23 ሄ ዋዳ ቱና ኣያናይ ኦይኪዳ ኢሰ ኡራይ ኣይሁዳ ዋሳ ከሌ ጌሊዲ ባ ቃላ ቶቁ ኦሊዲ፥ 24 «ናዚሬቴ ዩሱሳ፥ ኔኒ ኦፐ ኣይ ኮያይ? ኦና ቆይሳናው ያዲ? ኔኒ ኣኔኮ ታ ኡራይሰ፤ ኔኒ ያሳ ጌሻ ገዲኪ?» ያገለገሉ።

25 ዩሱሱ ሄ ቱና ኣያና፥ «ሃይዛ፥ ሃ ኣዲያፊ ከያ» ገዲ ከቲሰ።

26 ቱና ኣያናይ ኡራ ዳፌሬሌዲ፥ ዋሲዲ ኢያፔ ከዩሰ።

27 ኣሳይ ኡባይ ማላሌቲዲ፥ «ሃይሲ ኣይቤ? ሃ ኡራይ ባ ማታን ሃሪ ኣቶሺን ቱና ኣያናታካ ከቲሰ። ኤንቲ ኢያው ከቲቶሶና፤ ሃይሲ ኣይቤ ኦራላ ቲሚርቲ?» ገዲ፥ ባንታ ገደን ኢሶይ ኢሶዋ ኦይቸደሶና።

28 ዩሱሳ ሱንላይ ኤሌሲዲ ጋለላ ቢታን ዳዒያ ሄራ ኡባን ከዩሰ።

ዩሱሱ ዳር ሃርጋንቸታ ፓሌስ (ማቶ 8:14-17፤ ሉቃ 4:38-41)

29 ዩሱሱ ኣይሁዳ ዋሳ ከላፊ ከዩዲ፥ ያይቆባራኔ ዮሃንሳራ ሰሞና ሶኔ ኢንዲሪያሳ ሶ ቢሰ። 30 ሰሞና ማቸ ኣያ ቆያ ሚሻ ሃርጋዳ ዚንዲዳር ዩሱሱ ያ ጋኪያ ዋዳ ኢያው ኦዲደሶና። 31 ኢ ኢኮ ሸቂዲ፥ ኢ ኩሺያ ኦይኪዲ፥ ኢዮ ዳንሌ ኤሲሰ። ቆያይኔ ሚሻይ ኣገን ኢያ ኤንታ ሞካሱ።

32 ሃርገዲ ኣሳ ኡባኔ ቱና ኣያናቲ ኦይኪዳ ኣሳ ኡባ ኦማርሲ ኣዋይ ዉሊዳፔ ጉዬ ኢያኮ ኤሂደሶና። 33 ካታማን ዳዒያ ኣሳ ኡባይ ሄ ከላ ካሬ ሸቂደሶና። 34 ዩሱሱ ዲማ ዲማ ሃርገን

አይከተዳ ዳር አሳ ፓሊዲ፣ ዳር ቱና አያናታ ከሲሰ። ኢ ኦኮኮ ቱና አያናቱ ኤሪዳ ገሾ ከንታ ኦዲሶና ዲጊሰ።

ዩሱሲ ጋሊላን ታማርሲሰ
(ሉቃ 4:42-44)

35 ዩሱሲ ዋንታ ጉራ ዳንዲዲ፣ አሲ ባይና ቤሲ ቢዲ፣ ያን ያሳ ዋሲሰ። 36 ሲሞኒኔ ኢያራ ዳዔይሳቲ ኢያ ኮዩሼ ቢደሶና። 37 ኤንቲ ኢያ ዳሚዲ፣ «አሳይ ኡባይ ኔና ኮዩሰ» ያጊደሶና።

38 ዩሱሲ ቃሲ ኤንታ፣ «ሄ ሄራን ዳዔያ ሃራ ካታማታ ዩዲቲ። ታኒ ዩዳይ ዋንጌላ ኦዳናው ጊዲያ ገሾ ያንካ ቃላ ኦዳናው ቤሰሰ» ያጊሰ። 39 አይሁዴ ዋሳ ከላታን ቃላ ኦዲሼኔ ቱና አያናታ ከሲሼ፣ ጋሊላ ቢታ ኡባን ዩዩሰ።

ዩሱሲ ባር ሃርጋንቹዋ ፓሊሰ
(ማቶ 8:1-4፤ ሉቃ 5:12-17)

40 ባርይ ኦይኪዳ ኢሲ ኡራይ ዩሱሳኮ ዩዲ፣ ኢያ ሲንላን ጉልባቲዲ፣ «ኔኒ ኮይኮ ታና ጌሻናው ዳንዳዓሳ» ያጊዲ ዋሲሰ።

41 ዩሱሲ ኢያው ቃዴቲዲ፣ ባ ኩሺያ ዩዲዲ ኢያ ቦቹዲ፣ «ታኒ ኮያይሰ፣ ጌያ» ያጊሰ። 42 ሶሁዋራ ባርይ ኡራ ዩዲን ኡራይ ፓዲሰ። 43 ዩሱሲ ኡራ ሚንሊ ናጊሲዲ ከሲ ዩዲሰ። 44 ዩሱሲ ኢያ፣ «ኔና ኡራ፣ ሃይሳ ኦዳሰካ ኦደፓ። ሺን ባዳ ኔ አሳቲላ ካሂኔ ቤሳ። ኔኒ ሃላ ጌሺ ጊዲዳይሳ አሳ ኤሪሳናው፣ ሙሴይ ከቲዳ ያርሹዋ ያርሻ» ያጊሰ።

45 ሺን ኡራይ ቢዲ፣ ጉታ ኡባን አሳ ኡባሰ ኦዲሰ። ሄሳ ገሾ፣ ዩሱሲ ቆንጩ ከዩዲ፣ ካታማ ጌላናው ዳንዳዒቤና። ሺን አሲ ባይናሶን ጋዋን ዳዒሰ፤ ቃሲ አሳይ ኡባ ቤሳፌ ኢያኮ ዮሶና።

2

ዩሱሲ ጉንዳ ኡራ ፓሊሰ
(ማቶ 9:1-8፤ ሉቃ 5:17-26)

1 ጉላ ጋላሳፔ ጉዬ ዩሱሲ ቁፊርናሆሜ ሲሚዲ፣ ሶን ዳዔሰ ጊያ ኦዳይ ሲዔቲሰ። 2 አሳ ከላይ ኤኮና ኢዲን፣ ሃሪ አቶሺን ካሪይካ ፀማና ጋካናው ዳር አሳይ ሺቁን፣ ዩሱሲ ቃላ ታማርሲሰ። 3 ኦይዲ አሳቲ ኢሲ ጉንዳ ኡራ ቶኪዲ ኢያኮ ኤሂደሶና። 4 አሳይ ዳሪዳ ገሾ ኡራ ዩሱሳኮ ሺሻናው ኤንታው ዳንዳዔቶና ኢዲን፣ ዩሱሲ ዳዔያ ጊናራ ከላ ቃሪዲ፣

ካራ ቃወጧዲ ኡራ ኢ ዚንዲዳ አልጋራ ዲጌ ዩዲዲ ዩሱሳ ስንሳን ዋጂሲዶሶና። 5 ዩሱሲ ኤንታ ኣማኑዋ ቤዲዲ፣ ሄ ጉንዳ ኡራ፣ «ታ ናዓው፣ ኔ ናጋራይ ኣቶ ጌቴተሰ» ያገሰ።

6 ሂጌ አስታማሪታፕ ሄ ቤሳን ኡቲዳ ኢሶቲ ኢሶቲ ባንታ ዋዛና፣ 7 «ላ ሃ ኡራይ ሃይሳ ሜላ ኢታባ ያሳ ቦላ ኣይሰ ኦዳቲ? ያሳ ፃላላፕ ኣቲን ሃሪ ኦኒ ናጋራ ኣቶ ጋናው ዳንዳዲ?» ጊዲ ቆፒዶሶና።

8 ኤንቲ ባንታ ዋዛናን ሄሳዳ ቆፒዳይሳ ዩሱሲ ሶሁዋራ ባ አያናን ኤሪዲ፣ ኤንታኮ፣ «ሂንቴ ሂንቴ ዋዛናን ኣይሰ ሄሳዳ ቆፕቲ? 9 ጉንዳ ኡራ፣ ኔ ናጋራይ ኣቶ ጌቴተሰ» ጌይሲ ማቴዬ? ዋይኮ፣ ሩዳንዳ ኤቃዳ ኔ አልጋ ቶካዳ ባ፣ ጌይሲ ማቴ? 10 ሸን ታው፣ አሳ ናዓስ፣ ሳዓ ቦላ ናጋራ ኣቶ ጋናው ማቲ ዳዔይሳ ሂንቴ ኤራና ሜላ» ጊዲ ሄ ጉንዳ ኡራኮ፣ 11 «ኔና ጋይሰ፣ ዳንዳ ኤቃዳ ኔ አልጋ ቶካዳ ኔ ሶ ባ» ያገሰ።

12 ኡራይ ኤሌሲ ዳንዲ ኤቁዲ፣ ባ አልጋ ቶኪዲ አሳ ኡባይ ቤዲሺን ቢሰ። አሳይ ኡባይ ማላሌቲዲ፣ «ኦኒ ሃይሳ ሜላ ማላሊሲያባ ቤዲ ኤርኮ» ያገዲ ያሳ ጋላቲዶሶና።

ዩሱሳ ለዌ ፃገሰ
(ማቶ 9:9-13፤ ሉቃ 5:27-32)

13 ዩሱሲ ቃሲ ጋሊላ አባ ዶና ሲሚ ቢዲ፣ ባኮ ዪዳ አሳ ኡባ ታማርሲሰ። 14 ያራ አጂሼ፣ ኢልፊዮሳ ናዓ ለዌ ጌቴቴይሲ ቃራፃ ቃንጂሲያ ቤሳን ኡቲዳይሳ ቤዲዲ፣ «ታና ካላ» ያገሰ። ለዌይ ዳንዲ ኤቁዲ ኢያ ካሊሰ።

15 ዩሱሲ ካሊ ማናው ለዌ ሶን ኡቲሰ። ኢያ ካሊያ አሳይ ዳሮ ጊዲያ ጊሾ ቃራፃ ቃንጂሲያ ዳሮ አሳይን ናጋራንቸቲ ኢያራኔ ኢያ ታማራታራ ኢሲፊ ኡቲዶሶና። 16 ሂጌ አስታማሪ ጊዲዳ ኢሲ ኢሲ ፋሪሳዌቲ ዩሱሲ ናጋራንቸታራኔ ቃራፃ ቃንጂሲይሳታራ ካሊ ሚሸን ቤዲዲ፣ «ኢ ኣይሰ ናጋራንቸታራኔ ቃራፃ ቃንጂሲይሳታራ ካሊ ሚ?» ያገዲ፣ ኢያ ታማራታ ኦይቺዶሶና።

17 ዩሱሲ ኤንቲ ጌይሳ ሲዲዲ፣ «ሃርጋንቸታፕ ኣቲን ፓፃታሰ ኣኪሜ ኮሼና። ታኒ ናጋራንቸታ ጃጋናው ያሲፕ ኣቲን ጂሎታ ጃጋናው ያቢኬ» ያገዲ ኤንታው ዛሪሰ።

ያማባ ኤራናው ሸቂዳ ኦይሻ
(ማቶ 9:14-17፤ ሉቃ 5:33-39)

18 ግማቂያ የሃሊሳ ታማራቲኔ ፋሪሳዊቲ ያሞሶና። ኢሲ ኢሲ አሳቲ ዬሱሳኮ ዩዲ። «የሃሊሳ ታማራቲኔ ፋሪሳዊታ ታማራቲ ያሞሶና፤ ሺን ኔ ታማራቲ አይሰ ያሞኮና?» ያጊደሶና።

19 ዬሱሲ ኤንታኮ። «ያጋኑዋ ዩዲ አሳቲ ማቸው ኤኬይሲ ኤንታራ ዴሲሺን፤ ያማናው ዳንዳዖና? ማቸው ኤኬይሲ ኤንታራ ዴሲሺን፤ ያማናው ዳንዳዖኮና። 20 ሺን ማቸው ኤኬይሲ ኤንታ ማታፔ ኤኬታና ዋዴይ ያና፤ ኤንቲ ሄ ዋዴ ያማና።

21 «ጩጋ ማዖ ቦላ ኦራላ ዋሊዲ ሲኪያ አሲ ባዋ። ዋሊዲ ሲኪኮ። ኦራላይ ጩጋ ማዑዋ ዳኬሰ፤ ዳኬላይካ ካሴይሳፊ ደሪሰ። 22 ቃሲ ማልዓንቶ ዋይኔ ጩጋ ኦጎሮን ቆሊያ አሲ ባዋ። ሺን ቆሊኮ። ሄ ዋይኔይ ኦጎሮዋ ዳኬሰ፤ ባዉካ ጉኬሰ፤ ኦጎሮይካ ኢቲሰ። ሺን ማልዓንቶ ዋይኔይ ኦራላ ኦጎሮን ቆሌቲሰ» ያጊሰ።

ሳምባታባ ኤራናው ሺቂዳ ኦይሻ
(ማቶ 12:1-8፤ ሉቃ 6:1-5)

23 ዬሱሲ ኢሲ ሳምባታ ጋላሰ ባንጋ ጋዴ ጊዶራ አዲሺን፤ ኢያ ታማራቲ ኢያራ ቢሼ ባንጋ ቲያ ሺርኪዲ ሞሶና። 24 ፋሪሳዊቲ ዬሱሳኮ። «ሄኮ፤ ኔ ታማራቲ ሳምባታ ጋላሰ ዋጋ ጊደናባ አይሰ አሉና?» ያጊደሶና።

25 ዬሱሲ ኤንታኮ። «ዳዊቲይ ኮሻቲዲ፤ ሚያባ ኮዩዳ ዋዴ ባራ ዴዴይሳታራ ኦሊዳይሳ ናባቢቤኬቲ? 26 አቢያታሪ ካሂኔ ሃላቃ ጊዲዲ ዴዴያ ዋዴ ዳዊቲይ ያሳ ኬሊ ጌሊዲ፤ ካሂኔታ ፃላሊ ማናፔ አቲን ኦኒካ ማናው ዋጋ ጊደናይሳ ጎዳ ሲንሳን ዋሊዲ ዳቡዋ ሚሰ፤ ባራ ዴዴይሰታሰካ አሚሰ» ያጊሰ።

27 ቃሲካ ዬሱሲ ኤንታኮ። «ሳምባቲ አሳ ናዓ ጎዓሰ ሜዴቲሲፔ አቲን አሲ ሳምባታሰ ሜዴቲቤና። 28 ሄሳ ጊሾ፤ አሳ ናዓይ፤ ሃሪ አቶሺን ሳምባታሰካ ጎዳ» ያጊሰ።

3

ዬሱሲ ኩሼ ጉንዳ ኡራ ፓሊሰ
(ማቶ 12:9-14፤ ሉቃ 6:6-11)

1 ዬሱሲ አይሁዴ ዋሳ ኬሊ ሲሚ ጌሊሰ። ያን ኩሼይ ጉንዲዳ ኢሲ ኡራይ ዴዴሰ። 2 ኢሲ ኢሲ አሳይ ዬሱሳ ሞታናው ኮዩዲ፤ ኩሼይ ጉንዲዳ ኡራ ሳምባታ ጋላሰ ኢ ፓሊኮኔ አጊኮ ቤዓናው ኮዩዲ ሚንሊዲ ናጎሶና። 3 ዬሱሲ ኩሼይ ጉንዲዳ ኡራ፤ «ዳንዳ

ኤቃዳ ሃ ሲንሐ ያ» ያገሰ። 4 ሄሳፌ ጉዬ፣ አሳኮ፣ «ሳምባታ ጋላሰ ሎዖባ ኦሌይሲ ዋጌዬ ኢታባ ኦሌይሲ ዋጌ? አሳ ሼምፖ አሾዬ ዋይኮ ዋዶ?» ያገዲ ኦይቸሰ።

ሺን አሳይ ሲዒ ገሰ። 5 ዬሱሲ ሃንቄቲዲ፣ ኤንታ ዩሺ አሊ ያሊዲ፣ ኤንቲ ኦዲን ሲዖናይሳታ ገዲያ ገሾ ኤንታ ቦላ ዳር አዛኒሰ። ሄ አዲያኮ፣ «ኔ ኩሺያ ፒዲ ኦላ» ያገሰ። ኡሪይ ፒዲ ኦሊን ኢያ ኩሼይ ፓዲሰ። 6 ኤሌሲዲ ፋሪሳዊቲ አይሁዳ ዋሳ ኬላፌ ካሪ ኬዬዲ፣ ዬሱሳ ዋቲ ዋዳኔኮ ማቄታናው ሄርዲሳ ባጋታራ ኢሲ ሶ ሸቂዶሶና።

አሳይ ዬሱሳኮ ሸቂዶሶና

7 ዬሱሲ ባ ታማሬታራ ጋሊላ አባኮ ቢሰ። ጋሊላፔኔ ዪሁዳፔ ዪዳ ዳር አሳይ ኢያ ካሊዶሶና። 8 ቃሲካ ዬሩሳላሜፔ፣ ኢዲሚያሳፔ፣ ዮርዳኖሴ ሻፋ ፒንላፌ፣ ዲርሳ ካታማፔኔ ሲዶና ካታማፔ ዬሱሲ ኦሊዳባ ሲዒዲ፣ ዳር አሳይ ኢያኮ ዪዶሶና። 9 አሳ ዳርቴላፌ ዴንዶይሳን ኢያ ኡንዔልና ሜላ ኢያ ታማሬቲ ዋሳሎ ኢያው ገሊሳና ሜላ ከቲሰ። 10 ዳር አሳ ኢ ፓሊዳ ገሾ ሃርገያ አሳ ኡባይ ኢያ ቦቻናው ሱጌቶሶና። 11 ቱና አያናይ ኦይኪዳ አሳቲ ኢያ ቤዒዳ ዋዴ ኢያ ሲንላን ኩንዲዲ፣ ባንታ ቃላ ጶቄ ኦሊዲ፣ «ኔኒ ያሳ ናዓ ገዲኪ?» ያጎሶና።

12 ዬሱሲ ሄ ቱና አያናቲ ባናቴላ ኦዴስካ ቆንጨሶና ሜላ ኤንታ ሚንሊዲ ሃንቄቲሰ።

ዬሱሲ ታማኔ ናምዑ ሃዋሬታ ዶሪስ (ማቶ 10:1-4፤ ሉቃ 6:12-16)

13 ዬሱሲ ዴሪያ ቦላ ኬዬዲ፣ ባ ኮዪዳ አሳታ ባኮ ያገሰ፤ ኤንቲካ ኢያኮ ቢዶሶና። 14 ኤንቲ ባራ ዳና ሜላኔ ቃላ ታማርሳና ሜላ ታማኔ ናምዓታ ዶሪዲ፣ ኤንታ፣ «ሃዋሬታ» * ገዲ ሱንላሰ። 15 ቱና አያናታካ ኬሳና ሜላ ኤንታው ማታ አሚሰ።

16 ኢ ዶሪዳ ታማኔ ናምዓቲ ሃይሳታ፣ ጳዲርሳ ያገዲ ሱንሊዳ ሰሞና፣ 17 ቦዓኔርጌስ (ዳዳ ዳኒያ አሳታ) ያገዲ ሱንላዳይሳታ፣ ዛብዲዮሳ ናይታ ያይቆባኔ ያይቆባ ኢሻ ዮሃኒሳ፣ 18 ኢንዲሪያሳ፣ ፊልጶሳ፣ ባርቶሎሚዮሳ፣ ማቶሳ፣ ቶማሳ፣ ኢልፊዮሳ ናዓ ያይቆባ፣ ታዲዮሳ፣ ባ ቢታሰ ሚሼቲያ ሲሞና፣ 19 ዬሱሳ አሊ አሚዳ አሰቆርታ ዪሁዳ።

3:9 ማር 4:1፤ ሉቃ 5:1-3 * 3:14 ሃዋሬ፡ ሃዋሬ ጉሳይ ከቲቲዳይሳ ጉሱ።

ዩሱሳኔ በዔልዜቡላ
(ማቶ 12:22-32፤ ሉቃ 11:14-23፤ 12:10)

20 ሃሳፌ ጉዬ፥ ዩሱሱ ሶ በሰ። ቃሲ ዳሮ አሳይ ሺቁን፥ ኢኔ ኢያ ታማራቲ ሃሪ አቶሺን ካሊ ማናውካ ዳንዳዒቦኮና። 21 አሳይ ኢያ፥ «ሳዬስ» ጊያ ጊሾ ኢያ ዳቦቲ ሃሳ ሲዒዲ ኢያ ኤካናው በደሶና።

22 ሂጌ አስታማራታ፤ ኢሶቲ ኢሶቲ ዩሩሳላሜ፤ ዩዲ፥ «ኢያ ቦላ በዔልዜቡላ ዳዔስ»፥ ኢ፥ «ፃላሄይ ዋልቃን ቱና አያናታ ኬሴስ» ያጊዲ ኦዴቲደሶና።

23 ዩሱሱ አሳ ባኮ ፃጊዲ ለሚሶ ኦዲስ። «ፃላሄይ ፃላሄ ዋቲ ኬሳናው ዳንዳዒ? 24 ኢሲ ካዋቲላይ ባ ጊደን ሻኬቲኮ ሄ ካዋቲላይ ኤቃናው ዳንዳዒና። 25 ሃሳዳካ፥ ኢሲ ኬላ አሳይ ባንታ ጊደን ሻኬቲኮ ሳያና፤ አቲን ዳናው ዳንዳዒና። 26 ሂዛ፥ ፃላሄይ ባራ ካጩቲዲ ሻኬቲኮ ሳዮ፤ አቲን ዳናው ዳንዳዒና።

27 «ሺን ኮይርቲዲ ዋልቃማ ኡራ ቃቾና ዳዒሼ ኢያ ኬላ ጌሊዲ፥ ኢያ ሚሺያ ቦንቃናው ዳንዳዒያ አሲ ባዋ። ቃቺ ሲሚዲ ኢያ ኬላ ቦንቃናው ዳንዳዒስ።

28 «ታኒ ሂንቲው ቱማ ኦዲይስ፤ ያሳይ አሳ ናይታስ ናጋራ ኡባኔ ኤንቲ ጫያ ጫሼ ኡባ አቶ ጋና። 29 ሺን ጌሻ አያና ቦላ ኢታባ ኦዴቲያ ኦዴስካ ሜሪና ናጋራ ጊዳና፤ አቲን ያሳይ ኡባራካ ኢያ ማሪና» ያጊስ። 30 ዩሱሱ ሃሳ ጊዳይ፥ ኢሲ ኢሲ አሳቲ፥ «ኢያ ቦላ ቱና አያናይ ዳዔስ» ያጊዲ ጊሾሳ።

ዩሱሳ አዪውኔ ኢያ ኢሻታ
(ማቶ 12:46-50፤ ሉቃ 8:19-21)

31 ኢያ አያኔ ኢያ ኢሻቲ ዩዲ ካሬን ኤቁዲ፥ ኢያኮ አሴ ከቲዲ ኢያ ፃጊደሶና። 32 ኢያ ማታን ኡቲዳ ዳሮ አሳቲ፥ «ሄኮ፥ ኔ አዩራኔ ኔ ኢሻታራ ካሬን ኤቁዲ ኔና ኮዮሶና» ያጊደሶና።

33 ዩሱሱ ዛሪዲ፥ «ታ አያ ኦኔ? ቃሲ ታ ኢሻቲ ኦናንቲ?» ያጊስ። 34 ባ ማታን ኡቲዳ አሳ ዩሺ አሊ ፃሊዲ፥ «ሄኮ፥ ታ አያኦኔ ታ ኢሻቲ ሃይሳታ። 35 ያሳይ ሼኒያ ኦሊያ ኡባይ ታ ኢሻ፥ ታ ሚቾኔ ታ ኦዮ» ያጊስ።

4

ዜሬሌ ዜሬያ ኡራ ለሚሶ
(ማቶ 13:1-9፤ ሉቃ 8:4-8)

1 ዬሱሲ ዛሪዲ ጋለላ አባ ማታን ታማርሴስ። ዳሮ አሳይ ኢያ ዩሹዋን ሸቁን፣ አባን ዳዒያ ዋጎሉዋ ጊዶ ጌሊዲ ኡተስ፣ አሳ ኡባይ አባ ማታን ዳዒስ። 2 ኢ ኤንታ ዳሮባ ለሚሶን ታማርሴስ። ታማርሴሽ ሃይሳዳ ያገሰ።

3 «ሲዒቲ! ኢሲ ኡራይ ዜሬሌ ዜራናው ከዩስ። 4 ኢ ዜሬሽን፣ ኢሲ ኢሲ ዜሬሳይ ኦጌ ጋፃን ዋዲስ፤ ካሮቲ ዩዲ ሚዶሶና። 5 ኢሲ ኢሲ ዜሬሳይ ጋርሳን ሻሎይ ዳዒያ ቢታ ቦላ ዋዲስ። ዳሮ ቢቲ ባይና ጊሾ ሄ ዜሬሳይ ኤሌሲዲ ዶሊስ። 6 ሺን አዋ ከዩዳ ዋዳ ሹሊስ። ሎይሊዲ ፃጶ ዩዲቦና ጊሾ ኤሌሲ ሚሊስ። 7 ኢሲ ኢሲ ዜሬሳይ አጉንሳ ጊዶን ዋዲስ። ዶሊዳይሳ አጉንሳይ ዲጩዲ ጩሊዳ ጊሾ አይፊ አይፎና አቲስ። 8 ኢሲ ኢሲ ዜሬሳይ አራዳ ቢታን ዋዲዲ ዶሊስ። ዲጩዲ ኢሶይ ሃስታማ፣ ኢሶይ ኡሱፑን ታማ ኢሶይ ዪታ አይፊስ» ያገሰ። 9 «ሲዒያ ሃይሊ ዳዒያ ኦኒካ ሲያ» ያገሰ።

ዬሱሲ ለሚሶን ኦዲዳ ጋሱዋ
(ማቶ 13:10-17፤ ሉቃ 8:9-10)

10 ዬሱሲ ኦዲዳይሳ ሲዒዳ ኢሲ ኢሲ አሳቲኔ ታማኔ ናምቡ ታማሬቲ ዬሱሲ ባርካ ዳዒሽን፣ ኢያኮ ሸቁዲ ሄ ለሚሱዋ ቢርሽላ ኦይቺዶሶና። 11 ዬሱሲ ኤንታኮ ሃይሳዳ ያገሰ። «ሂንቴው ያሳ ካዋቴላ ፀራ ኤሮይ አሜቲስ። ሺን ሃራታስ ካዋቴላፊ ካሬን ዳዒይሳታስ ኡባባይ ለሚሶን ኦዳቴስ። 12 ጋሶይካ፣

ኦኤንቲ ዪሎሶና፣ ሺን ዳሞኮና።
ሲዶሶና፣ ሺን አኬኮኮና።
ኤንቲ ዳሚያኮኔ አኬኪያኮ፣
ያሳኮ ሲማና
ኢካ ኤንታ ማራናሺን» »
ያገሰ።

ዜሬላ ለሚሱዋ ቢርሽላ
(ማቶ 13:18-23፤ ሉቃ 8:11-15)

13 ዬሱሲ ኤንታኮ፣ «ሃ ለሚሶይ ሂንቴው ጌሌኔ? ያቲን፣ ለሚሶ ኡባ ሂንቴ ዋቲ አኬካኔ? 14 ዜሬይሲ ያሳ ቃላ ዜሬስ።

15 ቃላይ ዜሬቲያ ዎዳ ኦጌ ጋፃን ዎዲዳይሳቲ ቃላ ሲዒዳይሳታ። ሺን ፃላሄይ ሶሁዋራ ዪዲ፣ ኤንታ ዎዛናን ዜሬቲዳ ቃላ ማፂ ዲጌስ። 16 ሄሳዳካ፣ ጋርሳን ሻሎይ ዳዒያ ቢታን ዜሬቲዳይሲ ቃላ ሲዒዲ፣ ኤሌሲዲ ኡፋይሳን ኤኬይሳ። 17 ሺን ኤንታው ሚኖ ፃጶይ ባይና ጊሾ ሃዒሳፊ ኣቲን ጋሞዖኮና። ጉላ ዎዳፔ ጉዬ ቃላ ጋሶን ዎዬይ ዎይኮ ጎዲ ጋኪያ ዎዳ ኤሌሲዲ ዱቤቶሶና። 18 ኣጉንላ ጊዶን ዜሬቲዳይሲ ቃላ ሲዒዳይሳታ። 19 ሺን ሃ ሳዓ ዳዑዋስ ሂርጎይ፣ ዲሬቴላ ደሶይኔ ሃራባ ኣሞቴይሲ ኢያ ዎዛናን ጌሊዲ ቃላ ጩሊያ ጊሾ ኣይፊ ኣይፎና ኣቲስ። 20 ሺን ኣራዳ ቢታን ዜሬቲዳይሳቲ ቃላ ሲዒዲ ኤኬይሳታ። ኤንቲ ኢሶይ ሃስታማ፣ ኢሶይ ኡሱፑን ታማ ኢሶይ ፃታ ኣይፊስ» ያገሲ።

ጌማን ዳዒያ ዖምፔ
(ሉቃ 8:16-18)

21 ዬሱሲ ጉጂዲ፣ «ዖምፔ ኤኪዲ፣ ዳቾፊ ዎይኮ ኣልጋፊ ጋርሳን ዎሊያ ኣሲ ዳዒ? ዶቃ ቤሳን ዎላኔይ? 22 ሂዛ፣ ቆስቲዳባይ ኡባይ ቆንጩ ኬያና፤ ጌሚዳባይ ኡባይ ኤሬቶና ኣቴና። 23 ሲዒያ ሃይሊ ዳዒያ ኦኒካ ሲዖ» ያገሲ።

24 ቃሲ ኤንታኮ፣ «ሂንቲ ሲዒያባ ኣኬኪዲ ሲዒቲ! ዖሳ ቃላ ሂንቲ ሲዒይሳ ማላ ኢ ሂንቲው ኣኬካ ኢማና። ኡባካ ሂንቲው ዳርሲዲ ኢማና። 25 ኢሲባይ ዳዒያ ኡራስ ጉጂ ኢማታና፣ ባይናይሳፊ ሃሪ ኣቶሺን፣ ኢያው ዳዒያ ሄ ጉሊያካ ኤኬታና» ያገሲ።

ዲጩያ ዜሬላ ለሚሶ

26 ዬሱሲ ዛሪዲ፣ «ዖሳ ካዎቴላይ ባ ጋዴን ዜሬላ ዜሪያ ኣሳ ማላ። 27 ሄ ኡራይ ቃማ ጲስኬስ፤ ዎንታ ዳንዴስ። ኢ ባ ሁዒን ዎኒያኮ ኤሮና ዳዒሺን ሄ ዜሬላይ ደሊሲኔ ዲጩስ። 28 ቢታይ ካሊ ባርካ ኢማስ። ኮይሮ ደሊዲ ዲጩስ፣ ካሊዲ ኣይፋናው ጋምቡዳስ፣ ዉርሴላን ኩማላ ኣይፊ ኣይፊስ። 29 ሺን ካላይ ጋኪያ ዎዳ ኡራይ ሶሁዋራ ባጫራ ጌሊ ኣኸስ» ያገሲ።

ኣይፊ ጉላ ሚላ ለሚሶ
(ማቶ 13:31-34፤ ሉቃ 13:18-19)

30 ዬሱሲ፣ «ኦኒ ዖሳ ካዎቴላ ኣይ ዳኔስ ጋኔ? ዎይኮ ኣይቢራ ለሚሳኔ? 31 ዖሳ ካዎቴላይ ኣይፊ ጉላ ሚሊ ዳኔስ። ሄ ሚላ

4:21 ማቶ 5:15፤ ሉቃ 11:33 4:22 ማቶ 10:26፤ ሉቃ 12:2 4:25 ማቶ 13:12፤ 25:29፤ ሉቃ 19:26 4:29 ኢዩ 3:13

አይፊያ ዜሪያ ዋዴ ሳዓን ዳዒያ ሚላ አይፊ ኡባፌ ጉፃስ።
 32 ዜሪን ዶሊዲ አታኪልቴ ኡባፌ ገታቴስ፤ ዳር ዳሺ ዳዩስ።
 ካፎቴ ኢያ ታሺያ ቦላ ኬፂዲ ኡታና ጋካናው ዳዩስ» ያገሰ።
 33 ዬሱሲ ሃይሳ ሚላ ዳር ለሚሶን አሳይ አኬካናው
 ዳንዳዔይሳ ሚላ ቃላ ኦዲስ። 34 አሳስ ለሚሶይ ባይና ኦዴና።
 ሺን ዬሱሲ ባ ታማሬታ ፃላላራ ዳዒያ ዋዴ ኤንታው ኡባባ
 ቢርሺዲ ኦዲስ።

ዬሱሲ ሆቢያ ሲዒ ኦሴስ
 (ማቶ 8:23-27፤ ሉቃ 8:22-25)

35 ሄ ጋላስ ሳዓይ ኦማርሲን፣ ዬሱሲ ባ ታማሬታኮ፣ «አባፌ ሄፊንሉ ፒናስ» ያገሰ። 36 ኢያ ታማሬቲ ዳር አሳ ዬገ አገዲ፣ ዬሱሲ ካሴ ጌሊ ኡቲዳ ዋጎሉዋን ጌሊዲ ዬሱሳ ባንታራ ኤፊዶሶና። ሃራ ዋጎሎቲካ ያን ዳዖሶና። 37 ዋልቃማ ጎቴይ ዳንዲዲ፣ ሆቤይ ዋጎሉዋ ሾጨን፣ ኩማና ጋካናው ዋጎሉዋ ገዶ ሃሉ ጌሊስ። 38 ሄ ዋዴ ዬሱሲ ዋጎሉዋን ጉዬ ባጋራ ቦርኮቲዲ ጴስኪስ። ኢያ ታማሬቲ ኢያ ዳንሉዲ፣ «አስታማሪያው፣ ኩኒ ጳያ ዋዴ ኔ ሲዒ ጋዳ ፃላይ?» ያገደሶና።

39 ያቲን፣ ኢ ባርኪዲ ጎቲያ፣ «ሲዒ ጋ» ገዲ፣ አባካ፣ «ዋፑ ጋ» ገሰ። ጎቴይካ ሲዒ ገን ኡባባይ ዋፑ ገሰ። 40 ዬሱሲ ባ ታማሬታኮ፣ «አይስ ሃይሳዳ ባቤቲ? ሂንቴው አማናይ ዋኒዲ ጳዪዳ?» ያገሰ።

41 ኤንቲ ዳር ባቢዲ ባንታ ገደን፣ «ሃይሲ ሃሪ አቶሺን፣ ጎቴይኔ አባይ ከቴቴይሲ ኦኔ?» ያገደሶና።

5

ቱና አያኒ ኦይኪዳ ኡራይ ፓፂስ
 (ማቶ 8:28-34፤ ሉቃ 8:26-39)

1 ዬሱሲኔ ኢያ ታማሬቲ አባ ፒኒዲ፣ ጌርጌሶኔ ገያ ቢታ ጋኪዶሶና። 2 ዬሱሲ ዋጎሉዋፔ ዋጴያ ዋዴ ቱና አያናይ ኦይኪዳ ኢሲ ኡራይ ዲፎፔ ከዬዲ ኢያራ ጋሃቲስ። 3 ሄ ኡራይ ዲፋዋን አቁ ፔዒዲ ዳዔስ። ኢያ ኦኒካ ሳንላላታን ቃቫናው ዳንዳዔና።
 4 ኢ ዳር ቶሆ ዲላኒኔ ሳንላላታን ቃሽቲዲ ዳዔስ። ሺን ሳንላላታ ዲሴሬጼስ፣ ዲላ ማንጼሬጼስ። ኢያ ቱቃናው ዳንዳዒያ ኦኒካ ባዋ። 5 ኢ ቃማኔ ጋላስ ሄ ዲፋዋኒኔ ዳሬ ቦላ ዋሴስ፣ ባ ቦላካ ሹቻን ጋራስ።

6 ዬሱሳ ሃሆን ቤዒዳ ዋዴ ዋፂ ቢዲ ኢያ ሲንላን ጉልባቲስ።
 7 ሄ ኡራይ ባ ቃላ ጶቁ ኦሴዲ፣ «ኡባፌ ቦላ ያሳ ናዓው ዬሱሳ፣

ኔና ኃና አይቤ ጋሌይ? ታና ጳይሶና ማላ ታኒ ኔና ያሳ ሱንጻን ዋሳይሰ» ያገሰ። 8 ኢ ሄሳ ገዳይ ዩሱሲ ኢያ፡ «ላ ሃ ቱና አያናው፥ ሃ አዲያፌ ከያ» ያገዳ ገሸሳ።

9 ዩሱሲ ኢያኮ፡ «ኔ ሱንጻይ ኦኔ?» ያገዳ ኦይቸሰ።

ኢ፡ «ኦኒ ዳር ገዲያ ገሸ ታ ሱንጻይ ለገዮና» ያገሰ። 10 ቱና አያናቲ ባንታና ሄ ቢታፌ ከሲ ዩዶና ማላ ዩሱሳ ማንሊዲ ዋሲዶሶና።

11 ሄ ዴሪያ ቦላ ዳር ጉዲንሶ ዉዴይ ሃሙቲሰ። 12 ቱና አያናቲ ዩሱሳኮ፡ «ኦና ሂኒ ጉዲንሶ ዉዲያኮ ዩዳርከ፡ ኤንታን ቢዲ ጌሎሰ» ያገዳ ዋሲዶሶና። 13 ዩሱሲ ኤንታኮ፡ «ቢቲ» ያገሰ። ያቲን ቱና አያናቲ አዲያፌ ከዩዲ ጉዲንሶታን ጌሊዶሶና። ናምቡ ሙኩሉ ገዲያ ጉዲንሶ ዉዴይ ኣፎ ዶናራ ዲርገዲ ቢዲ ኣባን ጌሊዲ ማቲቲዶሶና።

14 ጉዲንሶ ዉዲያ ሄማይሳቲ ባቃቲ ቢዲ ሃኒዳባ ካታማኒኔ ገፃሪያን ኦዲዶሶና። ያቲን ኣሳይ ሃኒዳባ ቤዓናው ከዩዶሶና።

15 ኣሳይ ዩሱሳኮ ያ ዋዴ ቱና አያናን ኦይኬቲዳ ኡራ ቤዒዶሶና። ኢ ባ ዋዛናኮ ሰሚዲ፡ ማፆ ማዒዲ፡ ያን ኡቲዳይሳ ቤዒዳ ዋዴ ኡባይ ያዩዶሶና። 16 ሄሳ ቤዒዳ ኣሳቲ ቱና አያናቲ ኦይከዳ ኡራ ቦላኔ ጉዲንሶታ ቦላ ሃኒዳባ ኡባ ኣሳሰ ኦዲዶሶና። 17 ሄሳ ገሸ፡ ኣሳይ ባንታ ቢታፌ ዩሱሲ ባና ማላ ዋሲዶሶና።

18 ዩሱሲ ዋጎሉዋን ጌሊያ ዋዴ ካሴ ቱና አያናይ ኦይከዲ ዩዲዳ ኡራይ፡ ዩሱሳ ካላናው ኢያ ዋሲሰ። 19 ሺን ዩሱሲ ኢዲዲ ኢያኮ፡ «ኔ ሶ ሰሚዳ፡ ጎዳይ ኔው ኣይ ማላ ገታባ ኦሊዳኮኔ ኔው ኣይ ማላ ከሂዳኮ ኔ ሶ ኣሳሰ ኦዲ» ያገሰ። 20 ኡራይ ቢዲ ታሙ ካታማ ገያሶን ዩዩዲ፡ ዩሱሲ ባው ኣይ ማላ ገታባ ኦሊዳኮ ኦዲሰ። ኢ ኦዲዳይሳ ሰዒዳ ኣሳ ኡባይ ማላሉቲዶሶና።

ሃይቂዳ ናዒዉኔ ዩሱሳ ማዕቀ ቦቹዳ ማጫሲው
(ማቶ 9:18-26፤ ሉቃ 8:40-56)

21 ዩሱሲ ሰሚዲ፡ ዋጎሉዋን ጌሊዲ፡ ኣባ ጒኒዳፔ ጉዩ ዳር ኣሳይ ኣባ ገፃን ኢያ ዩሸቀን ሸቂዶሶና። 22 ኢያርሳ ገያ ኣይሁዴ ዋሳ ከላ ሃላቃታፔ ኢሶይ፡ ዩሱሳ ቤዒዳ ዋዴ ኢያኮ ዩዲ ኢያ ቶሁቀ ቦላ 23 ኩንዲዲ፡ «ታ ናዒያ ሃርጋዳ ሃይቃና ሃናውሱ። ኢያ ገፃዳ ዴዳና ማላ ያዳ ኔ ኩሺያ ኢ ቦላ ዋላርኪ» ያገዳ ዩሱሳ ማንሊዲ ዋሲሰ።

24 ዩሱሲ ኢያርሳራ ቢሰ። ኢ ቢሺን ዳር ኣሳይ ኢያ ካሊዲ ኡንዔሊዶሶና።

25 ታማኔ ናምቡ ላይሊ ኢ ቦላፌ ሱሊ ጎገያ ኢሲ ማጫሲያ ዴዓዉሱ። 26 ዳር ኣከሜቲ ኢዮ ኣከሚዶሶና፡ ሺን ኢያ ገፃ

ካዔታሱ። ኢያ ባ ሚሺያ ኡባ ወርሲንካ ኢው ሃ ኢቲሰፔ ኣቲን ኣይኮካ ማዲቤና። 27 ሄ ማጨሲያ ዩሱሳባ ሲዒዳ፣ ኣሳ ካንፋዳ ዩሱሳ ጉዩራ ያዳ ኢያ ማዑቀ ቦቻሱ። 28 ኢያ፣ «ታኒ ሃሪ ኣቶሺን ኢያ ማዑቀ ቦቻያኮ ፓፃና» ጋዳ ቆፓሱ።

29 ኢፔ ጎጊያ ሱፋይ ሶሁቀራ ኤቂ ኣጊሰ። ኢያ ባ ዋያፔ ፓዲዲሳ ባ ኣሳቴፋን ኤራሱ። 30 ዩሱሲ ባፔ ዋልቂ ኬዩዲይሳ ባ ሁዒን ኤራዲ፣ ኤሌሲዲ ዳሮ ኣሳ ጊዶን ጉዩ ሲሚዲ፣ «ታ ማዑቀ ቦቻዳይ ኦኔ?» ያጊሰ።

31 ኢያ ታማሪቲ፣ «ኣሳይ ኔና ሱጌይሳ ቤዒሽ፣ «ዋይጋዳ ታና ኦኔ ቦቻዳይ ያጋይ?» » ያጊዶሶና።

32 ዩሱሲ ሄሳ ኦኒ ኦሊዳኮ ቤዒናው ዩሺ ኣሊ ያሊሰ። 33 ሺን ማጨሲያ ባው ሃኒዳባ ኤራዳ፣ ያሻን ኮኮራሽ ያዳ ዩሱሳ ሲንፋን ጉፋናሱ፣ ቃሲ ሃኒዳባ ኡባ ተማ ኢያው ኦዳሱ። 34 ያኒን፣ ዩሱሲ ኢኮ፣ «ታ ናቴ፣ ኔና ኔ ኣማናይ ፓሊሰ፣ ሳሮን ባ፣ ኔ ዋያፔካ ፓፃ» ያጊሰ።

35 ዩሱሲ ቡሮ ሄሳ ኦዲሺን፣ ኣይሁዴ ዋሳ ኬፋ ሃላቃ ሶፔ ኪቲቲዳ ኣሳቲ ዩዲ፣ «ኔ ናዒያ ሃይቃሱ፣ ኣስታማሪያ ኣይሰ ደቡሪሳይ?» ያጊዶሶና።

36 ሺን ዩሱሲ ኤንቲ ጌይሳ ሲዒዲ፣ ኣይሁዴ ዋሳ ኬፋ ሃላቃኮ፣ «ኣማኖ ፃላላ ኣማናፔ ኣቲን ባቦፋ» ያጊሰ። 37 ዩሱሲ ጳዒሮሳፔ፣ ያይቆባፔ ኔ ያይቆባ ኢሻ ዮሃኒሳፔ ሃሪ ኦኒካ ባና ካሎና ሜላ ዲጊሰ። 38 ኤንቲ ኣይሁዴ ዋሳ ኬፋ ሃላቃ ሶ ጋኪያ ዋዴ ዩሱሲ ኣሳይ ካሃ ጳዩዲ ዩኬይሳኔ ዜሌሌይሳ ቤዒሰ። 39 ጌሊዲ ኣሳኮ፣ «ኣይሰ ካሃ ጳዩዲ ዩኬቲ? ናዒያ ጳሰካሱፔ ኣቲን ሃይቃቡኮ» ያጊሰ።

40 ኣሳይ ኢያ ቦላ ሚጨሰ። ሺን ኣሳ ኡባ ካሬ ኬሲዲ፣ ናዒ ኣዋ፣ ኣዩዉኔ ሄቩ ታማሪታ ባራ ኤኪዲ ናዒያ ዴዒያሱቀ ጌሊሰ።

41 ዩሱሲ ናዒ ኩሺያ ኦይኪዲ፣ «ፃሊታ፣ ቁሚ» (ጉፋ ናቴ፣ ኔና ጋይሰ ዴንዳ) ያጊሰ።

42 ናዒያ ሶሁቀራ ዴንዳ ኤቃዳ ሃሙታሱ። ኢያ ታማኔ ናሞዑ ላይፋ ናዒ። ሄሳን ኣሳይ ዳሮ ማላሌቲዶሶና። 43 ዩሱሲ ሄሳ ኤንቲ ኦዳሰካ ኦዶና ሜላ ኤንታ ሚንሊ ኪቲሰ። ኤንቲ ኢው ሚያባ ኢማና ሜላ ኦዲሰ።

6

ዩሱሲ ናዚሬቴን ኢጻቲሰ
(ማቶ 13:53-58፣ ሉቃ 4:16-30)

1 ዩሱሲ ያፔ ከዩዲ፣ ባ ታማሪታ ካሌሊዲ፣ ባ ካታማ ናዚሬቴ ቢስ። 2 ሳምባታ ጋላስ አይሁዳ ዋሳ ከፋን ታማርሶ ኦይኪስ። ኢ ታማርሶይሳ ሲዲዳ ዳሮ አሳይ ማላሌቲዲ፣ «ሃይሲ ሃ ኡባ አወፔ ደሚዳ? ሃ ጨንጫቴፋ ኢ አወፔ ኤኪዳ? ሃ ማላታታ ኦሊያ ማታ ኢ አወፔ ደሚዳ? 3 ሃይሲ አናዲያ ጊዴኔ? ማይራሚ ናዳ፣ ያይቆባ፣ ዮሳ፣ ዩሁዳኔ ሲሞና እሻ ጊዴኔዬ? ኢያ ሚቼቲ ኑራ ሃይሳን ዴዎኮናዬ?» ያጊዲ፣ ኢ ጊያባ ኤኮና ኢዲዶሶና። 4 ዩሱሲ ሄ አሳኮ፣ «ናቤይ ባ ቢታን፣ ባ ዳቦታኒኔ ባ ሶ አሳን ቦንቼቴናፊ አቲን ሃራታ ማታን ቦንቼቴስ» ያጊስ። 5 ኢ ሄ ቤሳን ባ ኩሺያ ጉፋ አሳ ቦላ ዋሊዲ ፓሊዳይሳፊ አቲን ሃራ ማላታታ ኦፋናው ዳንዳዲቤና። 6 አሳይ አማኒቦና ጊሾ ዳሮ ማላሌቲስ።

ዩሱሲ ታማኔ ናምዑ ሃዋሬታ ከቲስ
(ማቶ 10:5-15፤ ሉቃ 9:1-6)

ሄሳፊ ጉዬ፣ ዩሱሲ ሄ ሄራን ዴዲያ ጉታታን አሳ ታማርሶስ። 7 ዩሱሲ ታማኔ ናምዑ ታማሪታ ባኮ ፀጊዲ፣ ናምዳ ናምዳ ጋሊዲ ከቲስ። ኤንታው ቱና አያናታ ኬሲያ ዋልቃ ኢሚስ። 8 ኤንታ፣ «ኦፔ ፃምዳፊ አቲን ካሊ፣ ካርዲታ፣ ሂንቴ ኪሴን ሚሼ አይቢባካ ኦይኮፊቴ። 9 ሂንቴ ቶሁዋን ጨማ አሊቴ፣ ሺን ናምዑ አፊላ ኦይኮፊቴ» ያጊስ። 10 ቃሲካ፣ «ሂንቴና አሲ ሞኪዳ ሶ አወንካ ጊዲን ሄ ቤሳ ዩዲዲ ባና ጋካናው ሄ ኬፋን ጋምዲቴ። 11 ሂንቴና አሲ ሞኮናሱዋ ዋይኮ ሂንቴ ኦዲያባ ሲዎናሱዋ አወን ጊዲኮካ፣ ሄ ቢታን ዴዲያ አሳስ ሄሲ ናጊሶ ማርካ ጊዳና ማላ ሄ ቤሳፊ ኬዩሼ፣ ሂንቴ ቶሁዋፔ ባና ፒቲቴ» ያጊስ።

12 ታማኔ ናምዑ ታማሪቲ ቢዲ፣ አሳይ ባንታ ናጋራፔ ሲማናዳ ቃላ ኦዲዶሶና። 13 ኤንቲ አሳፔ ዳሮ ቱና አያናታ ኬሲዶሶና። ዳሮ ሃርጋንቸታ ዛይቴ ቲዩዲ ፓሊዶሶና።

ፃማቂያ ዮሃንሳ ሃይቁዋ
(ማቶ 14:1-12፤ ሉቃ 9:7-9)

14 ዩሱሳ ሱንሳይ ኡባ ቤሳን ኬዩዳ ጊሾ ካዎይ ሄሮዲሲ ኢያባ ሲዲስ። ኢሲ ኢሲ አሳይ፣ «ፃማቂያ ዮሃንሲ ሃይቆፔ ዴንዲስ፣ ሄሳ ጊሾ ሃ ማላታታ ኦሊይ ኢያ» ያጊዶሶና።

15 ባጋቲ፣ «ሃይሲ ኤሊያሳ ጊዴኔ?» ያጊዶሶና። ሃራቲ ቃሲ፣ «ሃይሲ ቤኒ ዎዴ ናቤታፕ ኢሱዋ ጊዳና አጌና» ያጊዶሶና።

6:4 ዮሃ 4:43 6:8 ሉቃ 10:4-11 6:11 ሃ.ኦ 13:51 6:13 ያይ 5:14 6:14 ማቶ 16:14፤ ማር 8:28፤ ሉቃ 9:19

16 ሺን ሄሮዲሲ ሄሳ ሲዒዳ ዎዴ «ሃይሲ ታኒ ቆዲያ ቃንጂሲዳ ፃማቂያ ዮሃንሳ ገዴኔ? ኢ ሃይቆፔ ዳንዲስ» ያገሰ።

17 ሄሮዲሲ ባ አሻ ፊልጶስ ማቸው ሄሮዲያዳ ኤኪዳ ገሾ ኢ ጋሶን ዮሃንሳ ኦይሉዲ ቃሺሲስ። 18 ዮሃንሲ ሄሮዲሳ፣ «ኔኒ ኔ አሻ ማቸው ኤካናው ቤሴና» ያገሰ።

19 ሄሮዲያዳ ዮሃንሳ ባ ኡሎን ሞርካዳ ኢያ ዎዲሳናው ኮያሱ፣ ሺን ዳንዳዓቡኩ። 20 ዮሃንሲ ጂሎኔ ጌሻ ኣሲ ገዲዳይሳ ሄሮዲሲ ኤሪዳ ገሾ ኢያው ባቢዲ ሎይሉ ናገሴስ። ሄሮዲሲ ዮሃንሲ ገያባ ሰዓናው ደሲኮካ ኢ ገያባ ሲዒያ ዎዴ ዳር ዳጋሜስ።

21 ሄሮዲሲ ባ ዬሌተዳ ጋላሳ ቦንቻናው ዴሪያ ሃሪይሳታስ፣ ሻላቃታሲኔ ጋሊላን ዴዒያ ገታ ኣሳሰ አማቶ ገገሲስ። ሄሲ ሄሮዲያዳሰ አንጃ ጋላሰ ገዲስ። 22 ሄሮዲያዳ ናዒያ አማላይ ሞኬቲያ ቤሳ ጌላ ዲራዳ፣ ሄሮዲሳኔ ኢያ አማላታ ኡፋይሳሱ። ካዎይ ናዒው፣ «ኔ ኮያባ ኣይባ ገዲኮካ ታና ኦይቻ፣ ታኒ ኔው አማና» ያገሰ። 23 ቃሲ ኢው ጫቂዳ፣ «ኔኒ ኦይቸያባ ኣይባ ገዲኮካ፣ ታኒ ኔው አማና። ሃሪ ኣቶሺን፣ ታ ካዎቴላ ባጋ ገዲኮካ ታኒ ኔው አማና» ያገሰ።

24 ናዒያ ካሪ ኬያዳ ባ ኣዬኮ፣ «ኣይ አማ ጎ?» ጋዳ ኦይቻሱ። ኢ ኣያ፣ «ፃማቂያ ዮሃንሳ ሁዒያ አማ ጋ» ያጋሱ።

25 ናዒያ ኤላሳዳ ካዉዋኮ ባዳ፣ «ፃማቂያ ዮሃንሳ ሁዒያ ሳኔን ዎላዳ ሃዒ ታው አማና ሜላ ኮያይስ» ያጋሱ።

26 ያኒን ካዎይ ዳር ቂርቲስ፣ ሺን ባ አማላታ ገሾ ኢው ጫቂዳ ባ ጫቂዎ ሚንፋናው ኮዪቤና። 27 ሄሳ ገሾ፣ ኤሌሲዲ ናጌይሳ ዮሃንሳ ሁዒያ ኤሃና ሜላ ከቲስ። ናጌይሲ ቃሾ ከሉ ቢዲ ዮሃንሳ ቆዲያ ቃንጂስ። 28 ሄ ቃንጃቲዳ ሁዒያ ሳኔን ዎሉ ኤሂዲ ናዒስ አሚስ። ናዒያ ቃሲ ባ ኣዬሰ አማሱ። 29 ዮሃንሳ ታማሬቲ ሄሳ ሲዒዳ ዎዴ ቢዲ ኢያ ኣሃ ኤኪ ኤፊዲ ሞገዶሶና።

ዬሱሲ ኢቻሹ ሙኩሉ ኣሳ ሙዚስ
(ማቶ 14:13-21፤ ሉቃ 9:10-17፤ ዮሃ 6:1-14)

30 ታማኔ ናሞዑ ሃዋሬቲ ሰሚ ዪዲ ኤንቲ ኦሉዳባኔ ታማርሲዳባ ኡባ ዬሱሳሰ ኦዲዶሶና። 31 ኤንታኮ ያ ኣሳይኔ ቢያ ኣሳይ ዳሪዳ ገሾ ዬሱሳራኔ ኢያ ታማሬታራ፣ ሃሪ ኣቶሺን ካሉ ማናዉካ ኤንታ ጋሉና ኢጂስ። ያኒን፣ ዬሱሲ ኤንታኮ፣ «ኑርካ ጉሉ ሸምፒ ኤካናው ኣሲ ባይና ቤሲ ዬዲቲ» ያገሰ። 32 ሄሳ ገሾ፣ ኤንቲ ባንታርካ ዎጎሎን ጌሊዲ ኣሲ ባይና ቤሲ ቢዶሶና።

33 ከንቲ ቢሺን ዳር አሳይ ከንታ ቤዒዲ ኤሪዶሶና። ያተን፣ ካታማ ኡባፌ አሳይ ቶሆራ ዋዲ ቢዲ ከንቲ ቢያሱዋ ከንታፌ ሲንጤ ጋኪዶሶና። 34 ዩሱሲ ዋጎሉዋፔ ዋዲ ዳር አሳ ቤዒሰ። አሳይ ሃሚያ አሲ ባይና ዶርሳ ማላ ጊዲዳይሳ ቤዒዲ ከንታው ቃዲቲዲ ከንታ ዳርባ ታማርሲሰ።

35 ሳዒይ አማርሲያ ዋዴ ዩሱሳ ታማሬቲ ኢያኮ ዩዲ፣ «ሃይሲ ቤሳይ አሲ ባይና ቤሲ፤ ሃዒ ሳዒይካ ቃሚሰ። 36 አሳይ ጉታታኔ ካታማታ ቢዲ ባንታው ሚያባ ሻማና ማላ አሳ ዩዳ» ያጊዶሶና።

37 ሺን ዩሱሲ ዛሪዲ ከንታኮ፣ «አሳሰ ሚያባ ሂንቴ አሚቴ» ያጊሰ።

ከንቲ፣ «ኮኒ ቢዲ ናምቡ ዌቱ ዲናሬን ኡይሉ ሻሚዲ አሳ ሙዛና ማላ ኮያይ?» ያጊዲ ኦይቺዶሶና።

38 ዩሱሲ ከንታኮ፣ «ሂንቴው አፑን ኡይሉ ዳዒ? ኣኔ ቢዲ ቤዒቴ» ያጊሰ።

ከንቲ ቤዒዲ፣ «ኢቻሹ ኡይሉኔ ናምቡ ሞሎ» ያጊዶሶና።

39 ዩሱሲ ባ ታማሬታ አሳ ኡባ ጩጋን ጩጋን ሻኪዲ ማታን ኡቲሳና ማላ ከቲሰ። 40 አሳይ ባጋይ ዌታ፣ ባጋይ ኢሻታማ ጊዲዲ ጩጋን ጩጋን ሻኪቲዲ ኡቲዶሶና። 41 ዩሱሲ ኢቻሹ ኡይሳኔ ናምቡ ሞሎታ ኤኪዲ፣ ፑዳ ሳሎ ዌሊዲ ያሳ ጋሳቲሰ። ኡይሳ ማንሉዲ አሳሰ ጊሻና ማላ ባ ታማሬታሰ አሚሰ። ቃሲ ናምቡ ሞሎታ ከንታ ኡባሰ ሻኪሰ። 42 አሳ ኡባይ ሚዲ ካሊዶሶና። 43 አቲዳ ኡይሳ ቲፊያኔ ሞሎታ ቲፊያ፣ ኢያ ታማሬቲ ታማኔ ናምቡ ጋይታ ኩሚሉ ዳንሉዶሶና። 44 ኡይሳ ሚዳ አዴ አሳ ታይቦይ ኢቻሹ ሙኩሉ።

ዩሱሲ አባ ቦላራ ሃሙቲሰ
(ማቶ 14:22-33፤ ዮሃ 6:15-21)

45 ኤሌሲዲ ዩሱሲ ባ ታማሬቲ ዋጎሉዋን ጌሊዲ፣ አባፌ ሄፊንላን ዳዒያ ቤቲሳይዳ ባፔ ሲንሳቲዲ ባና ማላ ከቲሰ። ሺን ባው አሳ ሞይዛናው ጉዬ አቲሰ። 46 አሳ ሞይዚዳፔ ጉዬ ያሳ ዋሳናው ዳሪያ ቦላ ከዩሰ።

47 ሳዒይ ቃሚያ ዋዴ ዋጎሎይ አባ ጊዶን ዳዒሰ፣ ሺን ዩሱሲ አባፌ ጋዳን ባርካ ዳዒሰ። 48 ጫርኮይ ኢያ ታማሬታኮ ጫርኪያ ጊሹ አባ ፒዶይ ዋይሴይሳ ዩሱሲ ቤዒሰ። ዋንቲማጤ ሳዒይ ጌያና ሃኒያ ዋዴ ኢ አባ ቦላ ሃሙቲሹ ከንታኮ ዩዲ፣ ከንታ ዩጊዲ አዳናው ኮዩሰ። 49 ሺን ኢ አባ ቦላ ሃሙቲሹን፣ ከንቲ

ቤዲዲ፡፡ ኤንታው ሞይቲሌ ዳኒን ዋሲደሶና፡፡ 50 ኤንቲ ኡባይ ኢያ ቤዲዲ፡፡ ያሻን ኮኮሪደሶና፡፡

ሺን ዩሱሲ ኤሌሲዲ ኤንታኮ፡ «ታና፡ ኣይኮይ ባዋ፤ ያዮፊቱ» ያጊሰ፡፡ 51 ዩሱሲ ዋሳሎዋን ጌሊዲ ኤንታራ ኢሲፌ ኡቲን ጫርኮይ ዋፑ ጊሰ፡፡ ኤንቲ ዳሮ ማላሌቲደሶና፡፡ 52 ኤንታ ዋዛናይ ዜልዑሚዳ ጊሾ ኤንቲ ኡይላባ ኣኬኪቦኮና፡፡

ዩሱሲ ጌንሳሬዌን ሃርጋንቸታ ፓሊስ

(ማቶ 14:34-36)

53 ኤንቲ ኣባ ፒኒዲ፡፡ ጌንሳሬዌ ቢታ ጋኪዲ፡፡ ዋሳሎዋ ጋዓ ሺሺዲ ቃቺደሶና፡፡ 54 ኤንቲ ዋሳሎዋፔ ዋዲያ ዋይ ኣሳይ ኤሌሲዲ ዩሱሳ ኤሪደሶና፡፡ 55 ኤንቲ ሄራን ዴዲያ ቢታ ኡባን ዋዌሬቲዲ ሃርጋንቸታ ሃላን ቶኪዲ፡፡ «ዩሱሲ ዴዴስ» ጊን ሰዲዳ ቤሳ ኤሃደሶና፡፡ 56 ኣሳይ ኢ ቢዳ ሶ ኡባን፡፡ ጋዓሪያን ጊዲን፡፡ ካታማን፡፡ ዴዲያ ሃርጋንቸታ ዳባባ ኤፎሶና፡፡ ሃርጋንቸቲ ኢያ ኣፊላ ማጫራ ጊዲኮካ ቦቻና ማላ ኣሳይ ኢያ ዋሲደሶና፡፡ ቦቺዳ ኡባይ ፓዒሰ፡፡

7

ቤኒ ኣዋታ ዋጋ

(ማቶ 15:1-9)

1 ዩራሳላማፔ ዩዳ ጉሳ ፋሪሳዌቲኔ ሂጌ ኣሰታማሬቲ ዩሱሳ ማታን ሸቂደሶና፡፡ 2 ዩሱሳ ታማሬታፔ ኢሶቲ ኢሶቲ ጌዮና ኩሺያን፡፡ ሄሲካ ኩሺ ሜጩቶና ካሉ ሜይሳታ ቤዲደሶና፡፡

3 ፋሪሳዌቲኔ ኣይሁዳ ኣሳ ኡባይ ባንታ ኣዋታ ዋጋሶ ባንታ ኩሺያ ሜጩቶና ሞኮና፡፡ 4 ሄሳዳካ፡፡ ኤንቲ ጊያፔ ሻሜቲዳባ ሜጩና ዴዲሺ ሞኮና፡፡ ቃሲ ኤንቲ ባንታ ኣዋታፔ ኤኪዳ ሃራ ዳሮ ዋጊ ዴዴስ፡፡ ሄሲካ ሲኒያ፡፡ ኬሪያ፡፡ ቢራታ ሚሼታኔ ኣርሳ ማጪያ ዋጋ ናጌይሳ፡፡

5 ፋሪሳዌቲኔ ሂጌ ኣሰታማሬቲ ዩሱሳ፡፡ «ኔ ታማሬቲ ኣይሰ ኣዋታ ዋጋ ማንሉዲ ባንታ ኩሺያ ሜጩቶና ካሉ ሞና?» ያጊዲ ኦይቺደሶና፡፡

6 ዩሱሲ ኤንታኮ፡ «ኢሳያሲ ሂንቴና ጩቦታ፡ «ሃይሲ ኣሳይ ታና ባ ኢንፃርሳ ዓላላን ቦንቺሰ፡ ሺን ኤንታ ዋዛናይ ታፔ ሃሆን ዴዴስ፡፡

7 አሲ ማዲያ ዋጋ ያሳ ሂጌ ዳኒሲዲ ታማርሲያ ጊሾ ኤንቲ ታና ማላ ጎይናሶና »

ጊዲ ፃፊዳይሲ ቱማ።

8 «ሂንቲ ያሳ ኪታ አጊዲ አሳ ዋጋ ማንሉዲ ናጌታ» ያገሰ።

9 ቃሲካ ዩሱሲ፣ «ሂንቲ ሂንቲ ዋጋ ናጊዲ ያሳ ኪታ ዩጊ አጋናው ሎዎ ኦጌ ዳማዳታ። 10 ሙሴይ፣ ሳ አዋኔ ኔ አደው ቦንቻ፣ ቃሲ ሳ አዋኔ ባ አደው ጫዬይሲ ሃይቃናው ቤሴሰ) ያገሰ። 11 ሺን ኢሲ አሲ ባ አዋ ዋይኮ ባ አደው ማዳናይሳ አጊዲ፣ ሃሲ ያሳ ያርሾ) ገኮ፣ 12 ኢ ባ አዋ ዋይኮ ባ አደው ማዳና ማላ ኦጌታ። 13 ሄሳዳካ፣ ሂንቲ ሃራታ ታማርሲዳ ሂንቲ ዋጋን ያሳ ቃላ ካዲዳታ። ሄሳ ማላ ሃራ ዳርባ ኦጌታ» ያገሰ።

አሴ ቱኒሲያባታ

(ማቶ 15:10-20)

14 ዩሱሲ ዳር አሳ ቃሲካ ባኮ ፃጊዲ፣ «ኡባይ ታኒ ኦዳይሳ ሲዲቲኔ አኩኩቲ። 15 አሳ ዋዛናፔ ኬያባይ አሴ ቱኒሲሲፔ አቲን ካሬፔ አሳ ኡሎ ጌሊዲ አሴ ቱኒሲያባይ አይቢካ ባዋ። 16 ሲዲያ ሃይሉ ዳዲያ ኦኒካ ሲዎ» ያገሰ።

17 ዩሱሲ ዳር አሳ ዩጊ አጊዲ ሶ ጌሊን ኢያ ታማሬቲ ሄ ለማሰብባ ኢያ ኦይቺዳሶና። 18 ኢ ኤንታኮ፣ «ሂንቲዉካ ቃሲ ጌሊቤኔ? ካሬፔ አሳ ዋዛናን ጌሊያባይ አይቢካ አሴ ቱኒሳናው ዳንዳዎናይሳ አኩኩቲ? 19 አይሰ ገኮ፣ ካሉ አሳ ኡሎ ጊዶ ጌሊዲ ካንሉዲ አዴሲፔ አቲን አሳ ዋዛና ጊዶ ጌሊና» ያገሰ። ሄሳን ዩሱሲ ካሉ ኡባይ ጌሺ ጊዳይሳ ኤሪሲሰ።

20 ካሊዲካ፣ ዩሱሲ፣ «አሳ ቱኒሲያባይ አሳ ዋዛና ጊዶሬ ኬያባ። 21 አሳ ዋዛና ጊዶሬ ኬያባይ ኢታ ቆፋ፣ ላይማቴሉ፣ ካይሶ፣ አሴ ዋጆ፣ ላማ፣ 22 ኢታ አዋ፣ ኢታቴሉ፣ ጌኔ፣ ቃይዳ፣ ጨዋ፣ ቃናቲ፣ ጫሼ፣ ኦቶሮኔ ቦዛቴሉ። 23 ሃ ኢታባይ ኡባይካ አሳ ዋዛና ጊዶሬ ኬዬዲ አሴ ቱኒሴሰ» ያገሰ።

ኢሲ ማጫሴ አማኑዋ

(ማቶ 15:21-28)

24 ዩሱሲ ያፔ ኬዬዲ፣ ዲሮሳ ካታማ ማታን ዳዲያ ቢታ ቢሰ። ኢ ኢሲ ኬሉ ጌሊዲ ያን ዳዲያሳ ኦኒካ ኤራና ማላ ኮዩቤና። ሺን ቆሴቲዲ ጋሞናናው ዳንዳዲቤና። 25 ሺን ኢ ጉላ ናዲው ቱና አያናይ ኦይኪዳ ኢሲ ማጫሲያ ዩሱሳባ ሲዳዳ ኤሌሳ ኢያኮ ያዳ ኢያ ቶሁዋ ቦላ ኩንዳሱ። 26 ኢያ አይሁዳ ማጫሲ ጊዲኩ፤

7:10 ኬሳ 20:12፤ ዛሬ 5:16፤ ኬሳ 21:17፤ ለዌ 20:9

ኢያ ዩሌቲዳይ ሲሮፊንቄ ጊያ ቢታና። ኢያ፣ ባ ናዔፔ ቱና ኣያና ኬሳና ማላ ዩሱሳ ዋሳሱ።

27 ሺን ዩሱሲ ዛሪዳ፣ «ናይቲ ኮይሮቲዳ ካላ ካሎ፤ ናይታ ካላ ኤኪዳ ካናታስ ዩጌይሲ ሎዎ ጊዳና» ያገሰ።

28 ማጫሲያ ዛሪዳ፣ «ታ ጎዳው ሄሲ ቱማ፣ ሺን ጋይታ ማታን ዳዒያ ካናቲ ናይታፔ ዎዲያ ቲፊያ ሞሶና» ያጋሱ።

29 ዩሱሲ ቃሲ ኢኮ፣ «ሃ ኔ ቃላ ጊሾ ኔ ሶ ባ፤ ቱና ኣያናይ ኔ ናዔፔ ኬይስ» ያገሰ።

30 ማጫሲያ ባ ሶ ቢያ ዎዴ ቱና ኣያናይ ኢፔ ኬዩን ሂፃን ዚንዒዳሮ ዳማሱ።

ዩሱሲ ቱሌኔ ሙሚ ኡራ ፓሊስ

31 ዩሱሲ ሂሮሳ ካታማፔ ኬዩዳ፣ ሲዶናራኔ ታሙ ካታማታ ጊያ ቢታራ ካንሉዳ ጋሊላ ኣባኮ ቢስ። 32 ኣሳይ ቱሌኔ ዋዩዳ ኦዴቲያ ኣሲ ዩሱሳኮ ኤሂዳ፣ ባ ኩሺያ ኢያ ቦላ ዎላና ማላ ኢያ ዎሲዶሶና። 33 ዩሱሲ ባርካ ሄ ኡራ ዳሮ ኣሳፔ ጋፃ ኬሲዳ፣ ባ ቢራዲያ ኢያ ሃይላን ዩዲስ። ቃሲ ጩቲ ጩቲዳ ኢያ ኢንፃርሳ ቦቲስ። 34 ሳሎ ፑዳ ፃሊዳ፣ ቶኪ ሺምፕዳ፣ «ኤፍታህ» ገሰ። ቢርሽላይካ «ዶይታ» ጉሱ። 35 ኡራ ሃይላይ ኤሌሲዳ ዶይቲስ፣ ቃሺቲዳ ኢንፃርሳይካ ቢርሽቲስ፣ ኡራይ ጌሺዳ ኦዴቲስ።

36 ዩሱሲ ኣሳኮ፣ «ሃይሳ ኦዴሰካ ኦዶፕቲ» ያገሰ። ሺን ኢ ዳሮ ሚንሉዳ ኦዶፕቲ ገን፣ ኣሳይ ኦዳ ያ ዳርሲስ። 37 ሄሳ ሲዒዳ ኣሳ ኡባይ ዳሮ ማላሌቲዳ፣ «ኡባባ ኢ ሎይሉ ኦሌስ። ሃሪ ኣቶሺን፣ ቱሊያ ሲሴስ፣ ሙሚያ ኦዲሴስ» ያገደሶና።

8

ዩሱሲ ኦይዳ ሙኩሉ ኣሳ ሙዚስ

(ማቶ 15:32-39)

1 ጉላ ዎዴፔ ጉዩ፣ ዳሮ ኣሳይ ዩሱሳኮ ሺቂዶሶና። ኣሳስ ሚያባይ ቆዩን ዩሱሲ ባ ታማሬታ ባኮ ፃጊዳ፣ 2 «ሃ ኣሳይ ታራ ሄቩ ጋላስ ጋካናው ጋምዒዳ፣ ኣይኮካ ሚያባ ዳሚቦና ጊሾ ታና ኣሳይ ቃዴሌስ። 3 ታኒ ኣሳ ኮሻራ ሶ ዩዲኮ ኣሳይ ቢሽ ኦጌን ዳቡሪዳ ኩንዳና፣ ባጋ ኣሳይ ሃሆሶፔ ዩደሶና» ያገሰ።

4 ዩሱሳ ታማሬቲ ዛሪዳ፣ «ሃ ባዘ ቢታን ሃ ኣሳ ኡባ ሙዛናው ጊዲያ ካሉ ዳማናው ዳንዳዔይ ኦኔ?» ያገደሶና።

5 ዩሱሲ ኤንታኮ፣ «ሂንቲው ኣፑን ኡይሉ ዳዒ?» ያገዲ ኦይቲስ።

ኤንቲ ዛሪዲ፡ «ላፑን ኡይሊ ዴዔስ» ያጊደሶና።
 6 ዩሱሲ አሳይ ሳዓን ኡታና ማላ ከቲስ። ያቲዲ፡ ላፑን ኡይላ ኤኪዲ ያሳ ጋላቲ ሰሚዲ ሄ ኡይላ ማንሊዲ፡ አሳስ ገሻና ማላ ባ ታማሬታስ ኢሚስ። ኢያ ታማሬቲ አሳስ ገሺደሶና። 7 ኤንታው ቃሲ ጉላ ላፋ ሞሎቲ ዳዖሶና። ዩሱሲ ሄ ሞሎታ ገሾ ያሳ ጋላቲዲ፡ አሳስ ገሻና ማላ ባ ታማሬታ ከቲስ። 8 አሳይ ኡባይ ሚዲ ካሊደሶና። ኢያ ታማሬቲ አቲዳ ቲፊያ ላፑን ጋይታ ኩሜሊ ዴንሊደሶና። 9 ካላ ሚዳ አሳ ታይቦይ ኦይዲ ሙኩሉ ጊዳና። ሄሳፌ ጉዬ፡ ዩሱሲ አሳ ዩዲስ። 10 ኢ ቃሲ ባ ታማሬታራ ኤሌሲ ዋሳሎን ጌሊዲ ዳልማኑታ ጊያ ቢታ ቢስ።

ማላቲ ኦስታና ማላ ኦይቺደሶና
 (ማቶ 16:1-4)

11 ፋሪሳዌቲ ዩዲ ዩሱሳ ፓጫናው ኮዪዲ፡ ሳሎፔ ባንታና ማላታ ቤሳና ማላ ዩሱሳራ ፓላማ ኦይኪደሶና።

12 ዩሱሲ ቶኪ ሸምፒዲ፡ «ሃ ዋዲያ አሳይ ኦይስ ማላታ ኮዪ? ታኒ ሂንቴው ቱማ ኦይይስ፤ ሃ ዋዲያ አሳስ ኦይ ማላቲካ አሜቴና» ያጊሰ። 13 ኢ ኤንታ ያን ዩጊ አጊዲ ዛሪ ዋሳሎን ጌሊዲ አሳፌ ሄፊንሊ ፒኒስ።

ፋሪሳዌታኔ ሄሮዲሳ ኢርሹዋ
 (ማቶ 16:5-12)

14 ኢያ ታማሬቲ ካሊ ኤፋናይሳ ደጊደሶና፤ ኤንታው ዋሳሎ ጊደን ኢሲ ኡይላፌ ሃሪ ባዋ። 15 ዩሱሲ ኤንታኮ፡ «ሂንቴና ኤሪቴ። ፋሪሳዌታ ኢርሹዋፊኔ ሄሮዲሳ ኢርሹዋፊ ናጌቲቴ» ያጊዲ ከቲስ።

16 ኤንቲ ባንታ ጊደን፡ «ኢ ሃይሳ ጌይ ኑስ ኡይሊ ባይና ገሾሳ» ያጊደሶና።

17 ዩሱሲ ኤንቲ ጌይሳ ኤሪዲ ኤንታኮ፡ «ሂንቴው ኡይሊ ባይና ገሾ ኦይስ ኦዴቴቲ? ሃዒካ ኤሬኬቲ? ዋይኮ ኦኬኬኬቲ? ሂንቴ ዋዛናይ ዶጪዳ? 18 ሂንቴው ኦይፊይ ዴዒሺን ቤዔኬቲ? ሃይሊ ዴዒሺን ሲዔኬቲ? ሂንቴ ኦኬኬቲ? 19 ታኒ ኢቻሹ ኡይላ ኢቻሹ ሙኩሉ አሳስ ባሊዳ ዋዴ ኦፑን ጋይታ ኩሜሊ ቲፌ ዴንሊደቲ?» ያጊሰ።

ኤንቲካ፡ «ታማኔ ናምዑ ጋይታ ኩሜሊ» ያጊደሶና።

8:11 ማቶ 12:38፤ ሉቃ 11:16 8:12 ማቶ 12:39፤ ሉቃ 11:29 8:15 ሉቃ 12:1 8:18 ኤር 5:21፤ ሂዝ 12:2፤ ማር 4:12

20 «ሃሳዳካ፣ ታኒ ላፑን ኡይላ ኦይዲ ሙኩሉ ኣሳሰ ባሊዳ ዋዳ ኣፑን ገይታ ኩሜላ ቲፌ ዳንሊዳት?» ያጊሰ።

ኤንቲ፣ «ላፑን ገይታ ኩሜሊ ዳንሊዳ» ያጊደሶና።

21 ያቲን፣ «ሃዒካ ኣኮኪቤኮት?» ያጊሰ።

ዩሱሲ ቤቴሳይዳን ኢሲ ቆቂያ ፓሊስ

22 ኤንቲ ቤቴሳይዳ ካታማ ቢደሶና። ጉላ ኣሳቲ ቆቂ ኡራ ዩሱሳኮ ኤሂዲ ሄ ኡራ ቦቻና ሜላ ኢያ ዋሲደሶና። 23 ዩሱሲ ቆቂ ኡራ ኩሺያ ኦይኪዲ ካታማፔ ገፃ ኬሲስ። ኢያ ኣይፊያን ጨቲዲ ባ ኩሺያ ኢያ ቦላ ዋሊዲ፣ «ኔው ኣይኮይ ቤንቲ?» ያጊዲ ኦይቺስ።

24 ኡራይ ቆቂ ጊዲ ያሊዲ፣ «ታው ኣሳይ ቤንቴስ፣ ሺን ኣሳይ ሃሙተሺ ሚሊ ዳነስ» ያጊሰ።

25 ሃሳፌ ጉዬ፣ ዩሱሲ ዛሪዲ፣ ኡራ ኣይፊያን ባ ኩሺያ ዋሊስ። ኡራይ ሎይሊ ያሊስ፣ ኢያ ኣይፌይ ፓዲስ፣ ኡባባ ጌሺዲ ቤዒስ።

26 ዩሱሲ ኣዲያኮ፣ «ኔ ሶ ባ፣ ሺን ጉታ ጌሎፓ» ያጊዲ ከቲስ።

ጳዒርሳ ኣማኑዋኔ ማርካቴላ

(ማቶ 16:13-20፤ ሉቃ 9:18-21)

27 ዩሱሲ ባ ታማሪታራ ቁሳሪያ ፊልጶሳ ማታን ዳዒያ ጉታ ቢስ። ኤንቲ ቢሺን ኦጌ ቦላ ዩሱሲ፣ «ታና ኣሳይ ኦና ጎና?» ያጊዲ ባ ታማሪታ ኦይቺስ።

28 ኢያ ታማሪቲ፣ «ኢሲ ኢሲ ኣሳይ ኔና፣ <ፃማቂያ ዮሃንሳ> ጎሶና፤ ሃራቲ፣ <ኤሊያሳ ጎሶና> ቃሲ ሃራቲ፣ <ናቤታፔ ኢሱዋ> ጎሶና» ያጊደሶና።

29 ዩሱሲ ኤንታኮ፣ «ያቲን ሂንቴ ታና ኦና ጌቲ?» ያጊዲ ኦይቺስ።

ጳዒርሲ፣ «ኔኒ ኪሪስቶሳ» ያጊዲ ዛሪስ።

30 ዩሱሲ፣ «ታባ ኦዴሰካ ኦዶፔቴ» ያጊዲ ኤንታ ከቲስ።

ዩሱሲ ባና ጋካና ሜቱዋኔ ዋያ ኦዲስ

(ማቶ 16:21-28፤ ሉቃ 9:22-27)

31 ዩሱሲ ባ ታማሪታኮ፣ «ኣሳ ናባይ፣ ዳሮ ሜቶ ኤካናው ቤሴስ፤ ጨማቲ፣ ካሂኔ ሃላቃቲኔ ሂጌ ኣስታማሪቲ ኢያ ኢፃናው ቤሴስ። ኤንቲ ኢያ ዋቆናውኔ ሂቩ ጋላሳፔ ጉዬ፣ ኢ ሃይቆፔ ዴንዳናው ቤሴስ» ያጊዲ ኤንታ ታማርሲስ። 32 ኢ ሃሳ ኤንታው ጌሺዲ ኦዲስ። ጳዒርሲ ኢያ ኢሲ ባጋ ዛሪዲ ሃንቁስ።

33 ሺን ዩሱሲ ጉዬ ሲሚዲ፣ ባ ታማሪታ ዪሊዲ፣ ጳጳርሳ ሃንቄቲዲ፣ «ሃ ፃላሂያው፣ ታፔ ሃካ። ኔኒ ኣሲ ደሲያባ ቆፓሳፔ ኣቲን ያሳይ ደሲያባ ቆፓካ» ያገሰ።

ዩሱሳ ካሎይ ባና ካዶ ኦይቼሰ
(ማቶ 10:38-39፤ 16:24-28፤ ሉቃ 9:23-27፤ 14:26-27)

34 ቃሲካ ዩሱሲ ዳር ኣሳኔ ባ ታማሪታ ባኮ ያገዲዲ፣ «ታና ካላናው ኮያ ኦኒካ ባና ካዶ፤ ባ ማሰቃሊያ ቶኪዲ ታና ካሎ።

35 ባ ሺምፑዋ ኣሻናው ኮያ ኡራይ ዳይሳና። ሺን ታ ጊሾኔ ዋንጌላ ጊሾ ባ ሺምፑዋ ዳይሲያ ኡራይ ኣሻና። 36 ኢሲ ኣሲ ሳዓን ዴዒያ ኡባባ ባው ሺሺዲ፣ ባ ሺምፑዋ ዳይሲኮ ኢያ ኣይ ማዳኔ? 37 ኢሲ ኣሲ ባ ሺምፑዋ ዋዛናው ኣይ ኣማናው ዳንዳዒ? 38 ያሳ ኣማናና ሃ ኢታ ዩሌቴላን፣ ኢሲ ኣሲ ታናኒኔ ታ ቃላን ዩላቲኮ፣ ኣሳ ናዓይ፣ ቃሲ ባ ኣዋ ቦንቸን ጌሻ ኪታንቸታራ ያ ዋዴ ኢያን ዩላታና» ያገሰ።

9

ዩሱሳ ማላይ ላሜቲሰ
(ማቶ 17:1-13፤ ሉቃ 9:28-36)

1 ዩሱሲ ኤንታኮ፣ «ታኒ ሂንቴው ቱማ ኦዳይስ፤ ያሳ ካዎቴላይ ዋልቃራ ዩይሳ ቤዖና ሃይቆና ኢሲ ኢሲ ኣሳቲ ሃይሳን ዴዖሶና» ያገሰ።

2 ዩሱሲ ኡሱፑን ጋላሳፔ ጉዬ፣ ባራ ጳጳርሳ፣ ያይቆባኔ ዮሃኒሳ ኤኪዲ፣ ኤንታ ፃላላ ጊታ ዴሪያ ቦላ ኬሲዲ ኤንታ ሲንላን ላሜቲሰ። 3 ኢያ ማዖይካ ጳሊስ፤ ሳዓን ማዖ ሜጨያ ኦኒካ ጌሻናው ዳንዳዖናይሳ ሜላ ዳር ቦዒስ። 4 ሄ ሄዙ ታማሪቲ፣ ኤሊያሲኔ ሙሴይ ዩሱሳራ ኦዴቲሺን ቤዒደሶና።

5 ጳጳርሲ ዩሱሳ፣ «ኣስታማሪያው፣ ኦኒ ሃይሳን ዴዒይሲ ኦሰ ሎዖ፤ ኦ ሄዙ ሻቃራታ ኢሱዋ ኔው፣ ኢሱዋ ሙሴስ፣ ቃሲ ኢሱዋ ኤሊያሳሰ ሻቃራና» ያገሰ። 6 ኢያራኔ ሃንኮታራ ዳር ያዩዳ ጊሾ ኢ ኣይ ጊያኮካ ኤሪቤና።

7 ሄሳፌ ጉዬ፣ ሻራይ ዩዲ ኤንታ ካሚን ሻራፔ፣ «ሃይሲ ታ ደሲያ፣ ታ ናዓ፣ ኢ ጌይሳ ሲዒቲ» ጊያ ቃላይ ዩሰ። 8 ኤሌሲዲ

8:34 ማቶ 10:38፤ ሉቃ 14:27 8:35 ማቶ 10:39፤ ሉቃ 17:33፤ ዮሃ 12:25
9:2 2ጳጳ 1:17-18 9:7 ማቶ 3:17፤ ማር 1:11፤ ሉቃ 3:22

ኤንቲ ዩሺ አሊ ያሊያ ዋዴ ዩሱሳፔ አቲን ሃራ ኦናካ ባንታ ማታን ቤዒቦኮና።

9 ኤንቲ ዳሪያፔ ዋዲሺን፣ ዩሱሲ ኤንታኮ፣ «አሳ ናዓይ፣ ሃይቆፔ ዴንዳና ጋካናው፣ ሂንቲ ቤዒዳባ ኦዳሰካ ኦዶፔቲ» ያጊዲ ከቲሰ።

10 ኢ ከቲዳይሳ ኤንቲ፣ «ኤር» ጊዲ፣ «ሃ ሃይቆፔ ዳንዶ ጌይሲ ዋይጉሴ» ጊዲ፣ ባንታ ጊዶን ኦዳቲዶሶና።

11 ኤንቲ ዛሪዲ፣ «ሂጌ አሰታማሬቲ፣ ሎሊያሲ ኮይሮቲዲ ያናው ቤሴሰ) አይሰ ጎና?» ያጊዲ ኦይቺዶሶና።

12 ዩሱሲ ዛሪዲ «ኤሊያሲ ኮይሮቲዲ ዩዲ፣ ኡባባ ጊጊሴሰ፤ ያቲን፣ አይሰ ጌሻ ማፃፋይ፣ ሎሳ ናዓይ ዳር ዋይታና ኢፃታና) ያጊ ጊዲ ኦይቺሰ። 13 ሺን ታኒ ሂንቲው ኦዳይሰ፤ ኤሊያሲ ዩሰ፤ ቃሲ ኢያባይ ጌሻ ማፃፋን ፃፊቲዳይሳዳ፣ አሳይ ኢያ ቦላ ባንታ ኮዩዳባ ኦሊዶሶና» ያጊሰ።

ዩሱሲ ቱና አያናይ ኦይኪዳ ናዓ ፓሊሰ
(ማቶ 17:14-21፤ ሉቃ 9:37-43)

14 ዩሱሲ፣ ጳዳርሲ፣ ያይቆቤኔ ዮሃኒሲ ሃንኮ ኢያ ታማሬታኮ ሲሚዲ ያ ዋዴ ዳር አሳይ ኤንታ ዩሹዋን ኤቁዳይሳታኔ ሂጌ አሰታማሬ ጊዲዳ ጉላ አሳቲ ኤንታራ ፓላማይሳ ቤዒዶሶና። 15 ሄ ዳር አሳይ ዩሱሳ ቤዒዳ ዋዴ ማላሌቲዲ፣ ኤሌሲዲ ኢያኮ ዋዴ ዩዲ፣ ኢያ ሳርሊዶሶና። 16 ዩሱሲ ባ ታማሬታኮ፣ «ኤንታራ አይ ፓላማቲ?» ያጊዲ ኦይቺሰ።

17 ሄ ዳር አሳ ጊዶፊ ኢሲ ኡራይ ዛሪዲ፣ «አሰታማሬያው፣ ታ ናዓ ቦላ ኦዳቲሊ ዲጊያ ቱና አያናይ ዳዒያ ጊሾ ኢያ ኔኮ ኤካዳ ያሰ። 18 ሃ ቱና አያናይ ኢያ ኦይኪያ ዋዴ ኡባን፣ ኢያ ሾጩ ዩጌሰ፤ ኢያ ዶናራ ጎፖንቶይ ዩሰ፤ ቃሲ አቺ ጋርጩሴሰ፤ አሳቲላካ ሚኔሰ። ኢያፔ ሃ ቱና አያና ኬሳና ማላ፣ ኔ ታማሬታሰ ኦዳሰ፣ ሺን ኬሳናው ዳንዳዒቦኮና» ያጊሰ።

19 ዩሱሲ ዛሪዲ ኤንታኮ፣ «አማናና ሃ ዋዲያ አሳው! ታኒ ሂንቲራ አዉዴ ጋካናው ዳኔ? ቃሲ ሂንቲና አዉዴ ጋካናው ዳንዳዒኔ? ናዓ ታኮ ሃ ኤኪ ዩቲ» ያጊሰ። 20 ኤንቲ ናዓ ኢያኮ ኤሂዶሶና፤ ሄ ቱና አያናይ ዩሱሳ ቤዒዳ ማላ ናዓ ኮኮርሲሰ፤ ናዓይ ሳዓን ከጉዲዲ፣ ዶናራ ጎፖንቶይ ቶፋ ጊሺን ጎንዶሬቲሰ። 21 ዩሱሲ ሄ ናዓ አዋኮ፣ «ሃይሲ ኔ ናዓ ኦይኮሳፔ አይ ማላ ዋዴ ጊዳኔ?» ያጊዲ ኦይቺሰ።

9:11 ሚሊ 4:5፤ ማቶ 11:14

ናዓ አዋይ፣ «ኢ ጉላን ዳዒሺን ኦይኪስ። 22 ኢያ ዎቆናው ዳር ዎዴ ታማኒኔ ሃላን ዩጌስ፣ ሺን ኔ ዳንዳዒኮ፣ ኑስ ቃዴታርኪ፣ ኑና ማዳርኪ» ያገሰ።

23 ዩሱሲ ኢያ፣ « ሳኒ ዳንዳዒኮ ጋይ? » አማኒያ ኦዴስካ ኡባባይ ዳንዳዒቲስ» ያገሰ።

24 ኤሌሲዲ ናዓ አዋይ ባ ቃላ ቆቁ ኦሊዲ፣ «ታኒ አማናይስ፣ ሺን ጉጃ አማናናዳ ታና ማዳርኪ» ያገሰ።

25 ዩሱሲ አሳይ ዳሪ ዳሪ ቤይሳ ቤዒዲ፣ ቱና አያና፣ «ሃ ቱሌኔ ሙሜ አያናው፣ ሃ ናዓፔ ኬያ ጋዳ ኔና ታ ኪታይስ፤ ቃሲ ናምዓንሖ ኢያን ጌሎፓ» ያገሰ።

26 ሄ ቱና አያናይ ዋሲዲ፣ ናዓ ዳር ኮኮርሲዲ፣ ኢያፔ ኬዩስ። ናዓይ ሃይቁዳ ዳኒን፣ ዳር አሳይ፣ «ናዓይ ሃይቁስ» ያገደሶና።

27 ሺን ዩሱሲ ናዓ ኩሺያ ኦይኪዲ ዳንሊን፣ ናዓይ ዳንዲ ኤቁስ።

28 ዩሱሲ ሶ ጌሊዳይሳፊ ጉዬ ኢያ ታማሬቲ፣ «ኦኒ ሄ ቱና አያና ኬሳናው አይስ ዳንዳዒቦኮ?» ያገዲ ዩሱሳ ዲማ ኦይቺደሶና።

29 ዩሱሲ ዛሪዲ፣ «ሄሳ ሜላይ ዋሳፔኔ ጾማፔ ኣቲን ሃራባን ኬያናው ዳንዳዒና» ያገሰ።

ዩሱሲ ባና ጋካና ሜቱዋ ዛሪ ኦዲስ

(ማቶ 17:22-23፤ ሉቃ 9:43-45)

30 ኤንቲ ሄ ቤሳፊ ዳንዲዲ፣ ጋሊላራ አዲዲ ቢደሶና፤ ዩሱሲ ባ ዳዒያሱዋ ኦኒካ ኤራና ሜላ ኮዩቤና። 31 ኢ ባ ታማሬታኮ፣ «አሳ ናዓ፣ አሲ አሳስ አሊ ኢማናኔ ዎቆና፤ ኢ ሄኹ ጋላሳፔ ጉዬ፣ ሃይቆፔ ዳንዳና» ያገዲ ታማርሴስ።

32 ሺን ኤንታው ኢ ጌይሲ ጌሊቤና፤ ቃሲ ኢያ ኦይቻናወካ ያዩደሶና።

ኡባፊ አዴይ ኦኔ?

(ማቶ 18:1-5፤ ሉቃ 9:46-48)

33 ኤንቲ ቁፊርናሆሜ ካታማ ቢዲ ሶ ጌሊዳይሳፊ ጉዬ ዩሱሲ ኤንታኮ፣ «አጌን አይ ኦዴቲቲ?» ያገዲ ኦይቺስ። 34 ሺን ኤንቲ፣ «ኑ ገደን ኡባፊ አቆናይ ኦኔ?» ያገዲ ፓላሚዳ ገሾ ሲዒ ገደሶና። 35 ዩሱሲ ኡቲዲ፣ ታማኔ ናምቡ ታማሬታ ጭገዲ፣ «ኦኒካ ሲንሐ አቆናው ኮይኮ፣ ኡባፊ ጉዬ አዲዲ፣ ኡባስ አይሌ ገዳናው ቤሴስ» ያገሰ።

36 ኢሲ ጉላ ናዓ ኤኪዲ፣ ኤንታ ገደን ኤሲስ፤ ሄ ጉላ ናዓ ኢዲሚዲ ኤንታኮ፣ 37 «ሃይሳ ሜላ ጉላ ናይታፔ ኢሱዋ ታ ሱንላን

ሞኪያ ኦሪካ ታና ሞኬሰ፤ ቃሲ ታና ሞኪያ ኦሪካ ታና ከቲዳይሳካ ሞኬሲፔ ኦቲን ታ ፃላላ ሞኬና» ያገሰ።

ኑና ኢዳና ኡራይ ኑ ባጋ
(ሉቃ 9:49-50)

38 ዮሃንሲ፡ «ኣስታማሪያው፡ ኢሲ ኣሲ ኑ ሱንላን ቱና ኣያናታ ኬሲሺን ኑኒ ቤዒዲ፡ ኑ ባጋ ጊዳና ገሾ ኢያ ዲጊዳ» ያገሰ።

39 ሺን ዩሱሲ፡ «ኦሪካ ታ ሱንላን ያሳይ ኦሊያ ማላታታ ኦሊዲ፡ ኤሌሲዲ ታ ቦላ ኢታባ ኦዳታናው ዳንዳዔይ ባይና ገሾ ዲሳፊቴ። 40 ኑባ ኢዳና ኡራይ ኑ ባጋ። 41 ታኒ ሂንቴው ቱማ ኦዳይሰ፤ ሂንቴ ታይሳታ ጊዲያ ገሾ ኦሪካ ሂንቴው ታ ሱንላን ሃሎ ሃላ ኡያናው ኢሚኮካ፡ ባ ዎይቱዎ ኤካና።

ናጋራን ፓጩቴላ
(ማቶ 18:6-9፤ ሉቃ 17:1-2)

42 «ታና ኣማኒያ ሃ ጉላታፔ ኢሱዋ ባሌሊያ ኦሪካ፡ ጋቻ ዎጋ ዎፃ ባ ቆዴን ቃቺዲ፡ ኣባን ዉሊያኮ ኢያው ሎዎ። 43-44 ኔ ኩሽይ ኔና ባሌሊኮ፡ ቃንፃ ሆላ። ኔኒ ናምዑ ኩሽራ ቶዶና ጋናሜ ታማን ዩጌቴይሳፊ፡ ዱፃ ኩሽራ ዳዑዋ ጌሎይ ኔው ሎዎ። 45-46 ኔ ቶሆይ ኔና ባሌሊኮ፡ ቃንፃ ሆላ። ኔኒ ናምዑ ቶሆዋራ ጋናሜ ታማን ዩጌቴይሳፊ፡ ዎቤ ጊዳዳ ዳዑዋ ጌሌይሲ ኔው ሎዎ። 47 ኔ ኣይፊይ ኔና ባሌሊኮ፡ ዎጫ ኬሳ ሆላ። ኔኒ ናምዑ ኣይፊያራ ጋናሜ ታማን ዩጌቴይሳፊ፡ ኢሲ ኣይፊያራ ያሳ ካዎቴላ ጌሌይሲ ኔው ሎዎ። 48 ያን ኤንታ ሚያ ጉፁኔይ ሃይቁና፡ ታማይካ ቶዔና።

49 «ያርሾይ ማፂኔን ጌዩይሳ ሜላ ኣሲ ኡባይ ታማን ሃርቁታና። 50 ማፂኔይ ሎዎ፡ ሺን ኢ ማልዶና ኢፂኮ፡ ዛሪዲ ዋቲ ማልዔላኔ? ሂንቴናን ማፂኔይ ዳዎ። ያኒዲ ኢሶይ ኢሱዋራ ሳርቴላን ዳዒቴ» ያገሰ።

10

ማቾ ዩዳናው ቤሴና
(ማቶ 19:1-2፤ ሉቃ 16:18)

9:37 ማቶ 10:40፤ ሉቃ 10:16፤ ዮሃ 13:20 9:40 ማቶ 12:30፤ ሉቃ 11:23
9:41 ማቶ 10:42 9:43-44 ማቶ 5:30 9:47 ማቶ 5:29 9:48
ኢሳ 66:24 9:50 ማቶ 5:13፤ ሉቃ 14:34

1 ዩሱሲ ሄሳፌ ዳንዲዲ፣ ዩሁዳ ቢታ ቢዲ ዮርዳኖሴ ሻፋ ፒኒስ። ዳሮ አሳይ ዛሪዲ ኢያኮ ሸቂን፣ ካሴይሳዳካ ሄ አሳ ታማርሲስ።

2 ኢሲ ኢሲ ፋሪሳዊቲ ፓጫናው ኮዩዲ ዩሱሳ፣ «ኢሲ አሲ ባ ማቺው ዩዳና ሜላ ሙሴ ሂጌይ ከቲ?» ያገዲ ኢያ ኦይቺዶሶና።

3 ኢ ዛሪዲ፣ «ሙሴይ ሂንቴና ዎይገዲ ከቲዴ?» ያገሰ።

4 ኤንቲ፣ «ሙሴይ፣ (ኢሲ አሲ ባ ማቺስ አንጆ ዎርቃቲ ኢሚዲ ዩዶ) ገሰ» ያገደሶና።

5 ዩሱሲ ዛሪዲ፣ ኤንታ «ሂንቴ ኦዲን ሲዖናይሳታ ገዲያ ገሾ ሙሴይ ሃ ከታ ሂንቴው ፃፊስ። 6 ሺን ዖሳይ ኮይሮ ሜዲያ ዎዴ አዴኔ ማጫ ኦሲዲ፣ ኤንታ ሜዲስ። 7 ሄሳ ገሾ፣ ኢሲ አሲ ባ አዎኔ ባ አዩው አገዲ፣ ባ ማቺራ ኢሲፌ ዳዔስ። 8 ኤንቲ ናምዓይ ኢሲ አሴ ገደሶና፤ ሂዛፔ፣ ኤንቲ ኢሲ አሴ ገደሶናፔ አቲን ናምዑ አሲ ገደኮና። 9 ሄሳ ገሾ፣ ዖሳይ ኢሲፌ ቃቺዳይሳ አሲ ሻኮፎ» ያገሰ።

10 ኤንቲ ሶ ሲሚዳ ዎዴ ኢያ ታማሬቲ ሃ ኦዳባ ዩሱሳ ናምዓንላ ኦይቺዶሶና። 11 ዩሱሲ ኤንታኮ፣ «ባ ማቺው ዩዲዲ ሃራ ኤኪያ ኦኒካ ላይማቴስ። 12 ቃሲ ማጫሲያካ ባ አዚናፔ ኬያዳ ሃራ አዚና ጌሊኮ ላይማታዉሱ» ያገሰ።

ዩሱሲ ጉላ ናይታ አንጂስ
(ማቶ 19:13-15፤ ሉቃ 18:15-17)

13 ዩሱሲ ጉላ ናይታ ቦቻና ሜላ፣ ኢሲ ኢሲ አሳይ ናይታ ኢያኮ ኤሆሶና፣ ሺን ኢያ ታማሬቲ ሄ አሳ ሃንቁቲዶሶና። 14 ዩሱሲ ሄሳ ቤዒዲ፣ ባ ታማሬታ ሃንቁቲዲ፤ ኤንታኮ፣ «ጉላ ናይቲ ታኮ ዩይሳ ዲሳፊቲ፤ ዖሳ ካዎቴላይ ሃይሳታ ሜላሳ። 15 ታኒ ሃንቴው ተማ ኦዲይስ፤ ዖሳ ካዎቴላ ጉላ ናዓዳ ኤኮና ኡራይ ኦኒካ ሄ ካዎቴላ ኡባራካ ጌሊና» ያገሰ። 16 ጉላ ናይታ ኢዲሚዲ፣ ባ ኩሺያ ኤንታ ኢሱዎ ኢሱዎ ቦላ ዎሊዲ አንጂስ።

ሚሼ ሲቆይ ኤሂያ ሜቱዎ
(ማቶ 19:16-30፤ ሉቃ 18:18-30)

10:4 ዛሬ 24:1 10:6 ሜዲ 1:27፤ 5:1 10:7 ሜዲ 2:24 10:11 ማቶ 5:32፤ 1ቆሮ 7:10-11 10:15 ማቶ 18:3

17 ዩሱሲ ባናው ከዩዳ ዋዴ ኢሲ ኡራይ ዋዴ ዩዲ፥ ኢያ ሲንላን ጉልባቲዲ፥ «ከሃ አስታማሪያው፥ ሜሪና ዴቦብ ላታናው ታኒ አይ ኦሶ?» ያጊዲ ኦይቸሰ።

18 ዩሱሲ፥ «አይሰ ታና ከሃው ጋዳ ጭጋይ? ያሳ ፃላላፔ አቲን ሃሪ ከሃ ኦኒካ ባቆ። 19 ያሳ ኪታ፥ ዋዶፓ፤ ላይማቶፓ፤ ካይሶቶፓ፤ ዋርዶ ማርካቶፋ፤ ኢንፃርሳን ጨሞፋ፤ ኔ አዋኔ ኔ አዪው ቦንቻ ያጌይሳ ኤራሳ» ያጊሰ።

20 ኡራይ፥ «አስታማሪያው፥ ታኒ ሃሳ ኡባ ናባቴላፌ ዶማዳ ሃላ ጋካናው ናጋይሰ» ያጊሰ።

21 ዩሱሲ ኡራ ቲሺ ኦላ ጭሊዲ ዶሲሰ፤ «ኔው ኢሲባይ ፓጩሰ፤ ባዳ ኔው ዴላዳባ ኡባ ባይዛዳ፥ ሄ ሚሺያ ማንቆታሰ አማ፤ ኔኒ ሳሎን ዲሬታና፥ ያታ ሲማዳ ታና ካላ» ያጊሰ። 22 ሺን ኡራይ ሃሳ ሲዲዲ፥ ኢ ዳር ዲሬ ጊዲያ ጊሾ ባ ሶሞብ ካሬሴሰ፥ ኡፋይቶና አጊዲ ቢሰ።

23 ዩሱሲ ባ ታማሪታ ዩሺ አላ ጭሊዲ፥ «ዲሬ አሲ ያሳ ካዋቴላ ጌላናይሲ ዋኒዲ ሜታንዴሻ!» ያጊሰ።

24 ኢያ ታማሪቲ ኢያ ቲሚርቲያ ሲዲዲ ማላሌቲዶሶና። ሺን ዩሱሲ ቃሲካ ኤንታኮ፥ «ናይቶ፥ ያሳ ካዋቴላ ጌላናይሲ ዋኒዲ ሜታንዴሻ! 25 ዲሬ አሲ ያሳ ካዋቴላ ጌላናይሳፌ፥ ጊማሌይ ናርፔ ሉሆራ አዴይሲ ካዉዬሰ» ያጊሰ።

26 ኢያ ታማሪቲ ማላሌቲዲ፥ «ያቲን፥ ኦኒ አታኔ?» ያጊዲ፥ ኢሶይ ኢሱብ ኦይቸዶሶና።

27 ዩሱሲ ኤንታ ቲሺ ኦላ ጭሊዲ፥ «ሃይሲ ያሳሰ ዳንዳዴቴሰፔ አቲን አሳሰ ዳንዳዴቴና፤ ያሳሰ ኡባባይ ዳንዳዴቴሰ» ያጊሰ።

28 ጳዳርሲ ዩሱሳኮ፥ «ሃኮ፤ ኦኒ ኦባ ኡባ አጊዲ፥ ኔና ካሊዳ» ያጊሰ።

29 ዩሱሲ «ታኒ ሃንቴው ቱማ ኦዳይሰ፤ ታ ጊሾኔ ዋንጌላ ጊሾ ከላ ዋይኮ ኢሻታ ዋይኮ ሚቼታ ዋይኮ አዋ ዋይኮ አዪው ዋይኮ ማቸው ዋይኮ ናይታ ዋይኮ ጋዲያ አጊዳይ ኦኒካ፥ 30 ሃላ ሃ ዋዲያን ጭ ኩሼ ከላ፥ ኢሻታ፥ ሚቼታ፥ አዬታ፥ ናይታ፥ ጋዲያ፥ ጌጭላሬ ኢሲፌ ኤካና። ሲንላፌ ያና ዋዲያንካ ሜሪና ዴቦብ ኤካና። 31 ሺን ዳርቲ ሃላ ዴላን ሲንሴ ጊዲዳይሳቲ ጉዬ ጊዳና፥ ቃሲ ዳርቲ ሃላ ጉዬ ጊዲዳይሳቲ ሲንሴ ጊዳና» ያጊሰ።

ዩሱሲ ባና ጋካና ሜቱዋ ሃሻንሉ ኦዲሰ
(ማቶ 20:17-19፤ ሉቃ 18:31-34)

32 ዩሱሳሪኔ ኢየ ታማሪታራ ዩሩሳላሜ ቢሺን፣ ዩሱሲ ባ ታማሪታ ሲንላን ሃሙቴስ። ኤንቲ ማላሌቲዶሶና። ኢየ ካሊይሳቲካ ያዪዶሶና። ናምዓንሉ፣ ታማኔ ናምዑ ታማሪታ ጋፃ ኬሲዲ፣ ባና ጋካናባ ዲማ ኤንታው ሃይሳዳ ያጊዲ ኦዲስ።
 33 «ሄኮ፣ ኩኒ ዩሩሳላሜ ሃዲ ኬዮስ። ያን አሳ ናዓይ፣ ካሂኔ ሃላቃታሲኔ ሂኔ አስታማሪታስ አሊ አሜታና። ኤንቲ ኢየ ቦላ ሃይቆ ፐርዳ ፐርዳና፤ ቃሲ አይሁዳ ጊዶና ዳሪያስ ኢየ አሊ አማና። 34 ሄ አይሁዳ ጊዶና ዳሪይ ኢየ ቶቻና፣ ኢየ ቦላ ጩታና፣ ሊሶን ጋራፋናና ዎቶና። ኢ ሄኸ፣ ጋላሳፔ ጉዬ፣ ሃይቆፔ ዳንዳና» ያጊስ።

ያይቆቤኔ ዮሃንሲ ዎሲዳ ዎሳ
 (ማቶ 20:20-28)

35 ዛብዲዮሳ ናይቲ ያይቆቤኔ ዮሃንሲ ዩሱሳኮ ዩዲ፣ «አስታማሪያው፣ ኩኒ ኔና ዎሲያ ኢሲባ ኑስ ኦላርኪ» ያጊዶሶና።

36 ዩሱሲ ኤንታኮ፣ «ታኒ ሂንቲው አይ ኦሎ?» ያጊስ።

37 ኤንቲ፣ «ኔኒ ኔ ቦንቾ ካዎቴላን ኡቲያ ዎዴ ኑፔ ኢሱዎ ኡሻቻ ባጋራ ቃሲ ኢሱዎ ሃዲርሳ ባጋራ ኡቲሳርኪ» ያጊዶሶና።

38 ሺን ዩሱሲ ኤንታኮ፣ «ሂንቲ አይ ዎሲያኮ ኤሪኬታ፣ ታ ኡያናው ዳዒያ ፀዓ ኡያናው ዳንዳዔቲ? ቃሲ ታኒ ፃማቁታናው ዳዒያ ዊንቃቲያ ፃማቁታናው ዳንዳዔቲ?» ያጊስ።

39 ኤንቲ ዛሪዲ፣ «ኤ ዳንዳዎስ» ያጊዶሶና።

ዩሱሲ ቃሲ፣ «ቱማካ ታ ኡያናው ዳዒያ ፀዓ ሂንቲ ኡያና፣ ታኒ ፃማቁታናው ዳዒያ ዊንቃቲያ ሂንቲ ፃማቁታና። 40 ሺን ታፔ ኡሻቻ ባጋራኔ ሃዲርሳ ባጋራ ኡታናይሳታ ዶራናው ታው ማቲ ባዎ፣ ሺን ሄ ቤሳይ ያሳይ አማናው ጊጊሲ ዎሊዳይሳታሳ» ያጊስ።

41 ሃንኮ ታሙ ታማሪቲ ሄሳ ሲዒዳ ዎዴ ያይቆቤኔ ዮሃንሳ ሃንቁቲዶሶና። 42 ዩሱሲ ኤንታ ኡባ ባኮ ዪጊዲ፣ «አይሁዳ ጊዶና አሳ ሃላቃቲ ዳሪያ ሃሪይሳታ ጌቴቲዲ ዪጌቴይሳኔ ሃሪይሳታስ ዳሪያ ቦላ ማቲ ዳዒይሳ ሂንቲ ኤሪታ። 43 ሺን ሂንቲ ጊዶን ሄሳ ማላ ጊዶና፤ ሂንቲ ጊዶን ጊታታናው ኮዬይ ኦኒካ ሂንቲው አይሌ ጊዳናው ቤሴስ። 44 ቃሲ ሂንቲ ጊዶን ኡባሬ ቦላ ጊዳናው ኮዬይ ኦኒካ ሂንቲ ኡባስ አይሌ ጊዳናው ቤሴስ። 45 ሃሪ ኦቶሺን፣ አሳ ናዓይካ፣ አሳስ ኦላናው ዳርታ ዎዛናው ባ ሺምቸዎ አሊ አማናው ዩሲፔ ኦቲን አሲ ኢየው ኦላና ማላ ዩቤና» ያጊስ።

10:38 ሉቃ 12:50 10:42 ሉቃ 22:25-26፤ ማቶ 23:11፤ ማር 9:35፤ ሉቃ 22:26

ዩሱሲ ቆቂያ ባርዲሞሳ አይፊያ ፓሊስ
(ማቶ 20:29-34፤ ሉቃ 18:35-43)

46 ኤንቲ ኢያርኮ ካታማ ቢደሶና። ዩሱሲ ባ ታማሬታራኔ ዳሮ አሳራ ኢያርኮፊ ኬዩሺን፣ ዲሞሳ ናዓይ፣ ቆቂይ፣ ባርዲሞሳ ጌቲቲይሲ፣ ኦጌ ጋፃን ዎሲሼ ኡቲስ። 47 ባርዲሞሲ፣ ያራ አዴይ ናዚሬቲ ዩሱሳ ጊዲዳይሳ ሲዒዳ ዎዴ ባ ቃላ ቶቁ ኦሊዲ፣ «ዳዊቲ ናዓ ዩሱሳ፣ ታና ማራርኪ!» ያጉሱ ኦይኪስ።

48 ዳሮ አሳይ ኢያ፣ «ሃይዛ!» ጊዲ ሃንቁቲደሶና። ሺን፣ ኢ ባ ቃላ ካሴይሳፊ ዳሮ ቶቁ ኦሊዲ፣ «ዳዊቲ ናዓው፣ ታና ማራርኪ!» ያገሰ።

49 ዩሱሲ ኤቁዲ፣ «ኢያ ሃ ፃጊቲ» ያገሰ። ኤንቲ ቆቂያኮ፣ «አይኮይ ባዋ፣ ዴንዳ ኤቃ፣ ኔና ፃጊስ» ያገደሶና። 50 ቆቂይ ባ ማዑዋ ሆሊ ዩጊዲ፣ ጉፒ ዴንዲ ኤቁዲ፣ ዩሱሳኮ ቢስ።

51 ዩሱሲ፣ «ታኒ ኔው አይ ኦላና ማላ ኮያይ?» ያገሰ። ቆቂይ፣ «አስታማሪያው፣ ታ ፃላናው ኮያይስ» ያገሰ።

52 ዩሱሲ ኢያ፣ «ባ፣ ኔ አማኖይ ኔና ፓሊስ» ያገሰ። ሶሁዋራካ ኢያ አይፊይ ፃለን፣ ዩሱሳ ካሊስ።

11

ዩሱሲ ጊታ ቦንቾን ዩሩሳላሜ ጌሊስ
(ማቶ 21:1-11፤ ሉቃ 19:28-40፤ ዮሃ 12:12-19)

1 ኤንቲ ዩሩሳላሜ ማቲሼ፣ ሻማሆ ዴሪያ ማታን ዴዒያ ቤቲፋጌኔ ቢታኒያ ካታማታ ጋኪደሶና። ዩሱሲ ባ ታማሬታፕ ናምዓታ ሲንሌ ከቲዲ፣ 2 «ሂንቲፊ ሲንላን ዴዒያ ጉታ ቢቲ፤ ያ ጌሊዳ ማላ ኦኒካ ቶጊቦና ቃሾን ዴዒያ ሃሬ ማሪ ሂንቲ ዴማና፣ ኢያ ቢሊዲ፣ ሃ ኤኪ ዩቲ። 3 ኦኒካ ሂንቲና፣ ላይሳ አይሰ ኦሌቲ?» ያገዲ ኦይቺኮ፣ ሳዳይ ኢያ ኮዩስ፣ ኤሌሲዲ ሃ ዩዳና) ያገቲ» ያገሰ።

4 ኤንቲ ቢዲ፣ ሃሬ ማሪ ካሬ ቦላ ኦጌ ማታን ቃሾቲዲ ዴዒይሳ ዴሚዲ ቢሊደሶና። 5 ሄ ቤሳን ኤቁዳ ኢሲ ኢሲ አሳቲ ኤንታኮ፣ «ሃሬ ማሪ ዋታናው ቢሌቲ?» ያገደሶና። 6 ኢያ ታማሬቲ ዩሱሲ ባንታና ከቲዳይሳ ኦዲን፣ አሳቲ ዩዲ አገደሶና። 7 ኤንቲ ሃሬ ማራ ዩሱሳኮ ኤሂዲ፣ ባንታ ማዑዋ ኢያ ዘኮን ሂዲን ዩሱሲ ሄ ሃሬ ማራ ቶጊስ። 8 ዳሮ አሳይ ባንታ ማዑዋ ኦጊያን ሂዲደሶና፤ ቃሲ ሃራቲ ማላ ታሽ ታሽዲ፣ ኦጌን ሂዲደሶና። 9 ዩሱሳፕ ሲንላራ ሃሙቲያ አሳይኔ ኢያ ካሊያ አሳይ ባንታ ቃላ ቶቁ ኦሊዲ፣

«ሆሳና! * ያሳይ ጋላቴቶ!
 ጎዳ ሱንላን ዬይሲ አንጃቴዳይሳ።
 10 ጎዳ ሱንላን ያ ኑ አዋ
 ዳዊቴ ካዎቴላይ አንጃቴዳይሳ።
 ኡባፌ ቦላ ሳሉዋን
 ዴዒያ ያሳይ ጋላቴቶ»
 ያጊደሶና።

11 ዬሱሲ ዬሩሳላሜ ቢዲ፣ ያሳ ከላ ጌሊሰ። ቃሲ ኡባባ ዩዩ ዪሊዳፔ ጉዩ፣ ሳዓይ ቃሚያ ጊሾ ታማኔ ናምዑ ታማሬታራ ቢታኒያ ካታማ ቢሰ።

ዬሱሲ ቃንጊዳ ባላሴ ሚሊው
 (ማቶ 21:18-19)

12 ዋንቴላ ጋላሰ ኤንቲ ቢታኒያፔ ከዩዲ ቢሺን፣ ዬሱሲ ኮሻቲሰ። 13 ሃሆን ኢሲ ባላሴ ሚሊው ሃይላ ዓላላ ማዓ ኡቴዳር ቤዒዲ፣ ኢ ቦላ አይፊይ ቤቲኮ ጊዲ፣ ቤዓናው ኢኮ ቢሰ፣ ሺን ኢኮ ኢ ቢያ ዋዴ ሃይላ ዓላላፔ አቲን ኢሲ አይፊካ ዴሚቤና፤ አይሰ ገኮ፣ ባላሴይ አይፊያ ዋዴይ ጋኪቤና። 14 ዬሱሲ ሄ ባላሲው፣ «ሂዛ፣ ኔፔ ሜሪናው አሲ አይፊ ሞፖ» ያጊሰ። ኢያ ታማሬቲ ኢ ጌይሳ ሲዒደሶና።

ዬሱሲ ያሳ ከላን ዛልዔይሳታ ከሲሰ
 (ማቶ 21:12-17፤ ሉቃ 19:45-48፤ ዮሃ 2:13-22)

15 ኤንቲ ዬሩሳላሜ ቢደሶና፤ ዬሱሲ ያሳ ከላ ጌሊዲ፣ ያን ባይዜይሳታኔ ሻሚይሳታ ካሬ ጎዶ ኦይኪሰ፤ ቃሲ ሚሼ ላሚይሳታ ዓርጶዛኔ ሆሌ ባይዜይሳታ ኦይዲያ አሊ ዩጊዲ፣ 16 አሲ አይቢባካ ቶኪዲ፣ ያሳ ከላ ጊደራ አቶና ሚላ ዲጊሰ። 17 ዬሱሲ አሳ ሃይሳዳ ያጊዲ ታማርሲሰ። «ጌሻ ማዓፋን፣ ታ ከላይ አሲ ኡባይ ያሳ ዋሲያ ከሊ ጊዳና ጌቲቲዲ ዓፊቲሰ። ሺን ሂንቲ ኢያ ፓንጋቲ ቆሴቲያ ጎንጎሎ ኦሊዴታ» ያጊሰ።

18 ካሂኔ ሃላቃቲኔ ሂጌ አሰታማሬቲ ሄሳ ሲዒዲ፣ ኢያ ዋቆናው ኦጌ ኮሺ ኦይኪደሶና። ሺን ዳር አሳይ ኢያ ቲሚርቲያን ማላሌቲያ ጊሾ ኢያው ያዩደሶና።

19 ሳዓይ አማርሲያ ዋዴ ዬሱሲኔ ኢያ ታማሬቲ ካታማፔ ጋዓ ከዩደሶና።

* 11:9 ሆሳና፣ ማቶ 21:9 ቤዒቲ። 11:9 ማዝ 118:25 11:17 ኢሳ 56:7፤ ኤር 7:11

ባላሴ ሚሊያ ማላሱ
(ማቶ 21:20-22)

20 ኤንቲ ዋንቴላ ጋላስ ሄ ኦጊያራ አጳጮ፣ ሄ ባላሴያ ፃጸራ ማሊዳሮ ቤዲዶሶና። 21 ጴጂሮሲ አኬኪዲ፣ «አስታማሪያው፣ ሄኮ፣ ኔኒ ቃንጊዳ ባላሴያ ማላሱ» ያገለገለ።

22 ዬሱሲ ዛሪዲ፣ «ፆሳ አማኒቴ። 23 ታኒ ሂንቴው ቱማ ኦዳይስ፤ አኒካ ባ ዋዛናን ሲጶና ጊዳባይ ሃናናይሳ አማኒዲ፣ ሃ ደሪያ፣ (ዴንዳዳ አባን ኩንዳ) ያገገኑ ኢያው ሃናና። 24 ሄሳ ጊሾ፣ ታኒ ሂንቴው ኦዳይስ፤ ፆሳ ሂንቴ ዋሲያባኔ ኦይቲያባ አይባ ጊዲኮካ ኤኪዳዳ አማኒቴ፣ ሂንቴ ኤካና። 25 ፆሳ ዋሳናው ሂንቴ ኤቂያ ዋዴ ሳሎን ዴዲያ ሂንቴ አዋይ ሂንቴ ናጋራ አቶ ጋና ማላ፣ ኦኒካ ሂንቴና ናቂዳባይ ዴዲኮ፣ ኢያው አቶ ጊቴ። 26 ሺን አሳ ናጋራ ሂንቴ አቶ ጎና ኢዲኮ፣ ሳሎን ዴዲያ ሂንቴ አዋይካ ሂንቴ ናጋራ ሂንቴው አቶ ጊና» ያገለገለ።

ዬሱሲ አይቢ ማታን ኦሊያኮ ኦይሼቲስ
(ማቶ 21:23-27፤ ሉቃ 20:1-8)

27 ኤንቲ ዛሪዲ ዬሩሳሌም ቢደሶና። ዬሱሲ ፆሳ ኬላን ሃውቲሺን፣ ካሂኔ ሃላቃቲ፣ ሂጌ አስታማሪቴኔ ጨማቲ ኢያኮ ዪዲ፣ 28 «ኔኒ ሃይሳ ኦላናው ኔው አይ ማቲ ዴዲ? ዋይኮ ኔው ሃ ማታ ኢሚዳይ ኦኔ?» ያገለገለ።

29 ዬሱሲ ዛሪዲ ኤንታኮ፣ «ታ ሂንቴና ኢሲባ ኦይቻና፣ ታው ኦዲቴ። ታ ቃሲ ሃይሳ አይ ማታን ኦሊያኮ፣ ሂንቴው ኦዲና። 30 ዮሃኒሳ ዲንቃቲይ ፆሳፌዬ ዋይኮ አሳፕ? ታው ኦዲቴ» ያገለገለ።

31 ኤንቲ ባንታ ጊዶን ፓላማ ዶሚዲ፣ «ኦኒ፣ (ፆሳፌ) ጊኮ፣ ኢ ኡኮ፣ (ያቲን፣ ዮሃኒሲ ኦዲዳይሳ አይስ አማኒቤኬቴ?) ያጋና። 32 (አሳፕ ጊኮ) አሳ ኡባይ ዮሃኒሲ ናቤ ጊዴይሳ ኤሮሶና።» ያኒያ ጊሾ አሳስ ያዪደሶና። 33 ሄሳ ጊሾ፣ ኤንቲ ዬሱሳኮ፣ «ኦኒ ኤሮኮ» ያገለገለ ዛሪደሶና፤

ዬሱሲ፣ «ታኒካ ሃይሳ አይ ማታን ኦሊያኮ፣ ሂንቴው ኦዲኬ» ያገለገለ።

12

ዋይኔ ቶኪያ ጎሻንቾታ ሌሚሶ
(ማቶ 21:33-46፤ ሉቃ 20:9-19)

11:23 ማቶ 17:20፤ 1ቆሮ 13:2

1 ዩሱሲ ኤንታው ለሚሶን ያገዱ ኦዲስ፤ «ኢሲ ኡራይ ዋይኔ ኣታኪልቴ ቶኪዲ፣ ዩሺ ኣሉዲ ዲርሲ ዲሪስ። ቃሲ ሄ ዋይኒያ ጉምዒያ ኦላካ ቦኪስ። ኢያ ናጋናው ኣዲሳ ሻኮ ሻኪስ። ሄሳፌ ጉዩ፣ ኮሌ ኦሊያ ኣሳስ ኢሚዲ፣ ሃራ ቢታ ቢስ። 2 ዋይኔ ኣይፊያ ማዒያ ዋዴይ ጋኪን፣ ባና ጋኬይሳ ኤኪዲ ያና ሜላ፣ ኢሲ ባ ኣይሊያ ኮሌ ኣዋታኮ ኪተስ። 3 ኮሌ ኣዋቲ ኢያ ኣይሊያ ኦይኪዲ ዋዲዲ፣ ሜላ ኩሼ ዩዲደሶና። 4 ናምዓንሎ ሃራ ኣይሌ ኤንታኮ ኪተን፣ ኤንቲ ሄ ኣይሊያስ ሁዒያ ቆዒዲ ካወሺዲ ዩዲደሶና። 5 ዋይኔ ኣታኪልቴያ ጎዳይ ቃሲካ ሃራ ኣይሌ ኪተስ። ሄ ኣይሊያ ዋዲደሶና፣ ቃሲ ሃራ ዳርታ ሄሳዳ ኦሊደሶና፣ ኢሶታ ኢሶታ ዋዲዲ፣ ሃራታ ዋዲደሶና።

6 «ዋይኔ ኣታኪልቴያ ጎዳስ ኪታናው ኡባፌ ወርሴላን ኢ ዳር ደሲያ ባ ናዓ ዓላሊ ኣተስ። ኢ፣ «ኤንቲ ታ ናዓ ቦንቾና ኣጎኮና» ጊዲ፣ ባ ናዓ ኤንታኮ ኪተስ።

7 «ሺን ኮሌ ኣዋቲ ባንታ ጊደን፣ «ላታናይሲ ሃይሳ፤ ዩዲቲ ኢያ ዋዲስ፤ ኢያ ላታይ ኦባ ጊዳና!» ያገደሶና። 8 ናዓ ኦይኪዲ ዋዲዲ፣ ኢያ ኣሃ ዋይኔ ኣታኪልቴያ ጊደፌ ጋፃ ኬሲ ሆሊደሶና።

9 «ሂዛ፣ ዋይኔ ኣታኪልቴያ ጎዳይ ዋታኔ? ዩዲ ሄ ኮሌ ኣዋታ ዋዲ ኦንጊዲ፣ ዋይኒያ ኮሌ ኦሊያ ሃራ ኣሳስ ኢሚና።

10-11 ሪምቤይሳቲ ቦሪዲ ኢዲዳ ሹቻይ

ጎዳ ዓጵዋ ሚንሊያ፣
ኡባፌ ኣዲያ ሹቹ ጊዲስ።

ሃይሲ ጎዳይ ኦሊዳባ፤
ቃሲ ኦ ኣይፊያሰካ ማላሊሲያባ)
ያገይሳ ጌሻ ማፃፍፔ ናባቢኬኮቲ?» ያገሰ።

12 ካሂኔ ሃላቃቲ፣ ሂጌ ኣሰታማራቲኔ ጨማቲ ዩሱሲ ሄ ለሚሱዋ ባንታ ቦላ ለሚሲዳይሳ ኤሪዳ ጊሾ ኢያ ኦይካናው ኮዩደሶና፣ ሺን ኣሳስ ያዩዲ፣ ኣጊ ቢደሶና።

ጊራ ጊርባ
(ማቶ 22:15-22፤ ሉቃ 20:20-26)

13 ቃሲ ኢያ ኦዳፔ ባላ ዳሚዲ፣ ኢያ ኦይካና ሜላ፣ ፋሪሳዊታፔኔ ሄርዲሳ ባጋታፔ ጉላ ኣሳታ ኢያኮ ኪተደሶና።
14 ኤንቲ ኢያኮ ዩዲ፣ «ኣሰታማሪያው፣ ኔኒ ቱማ ኦዴቴይሳኔ ኣሳፔ ኣሴ ሻኮናይሳ ኦኒ ኤርስ። ኔኒ ኣሴ ዲማያካ፤ ቃሲ ያሳ

ከጊያ ቱማቴላን ታማርሳሳ። ኑኒ ሮሜ ቢታ ካወቀ ቁሳሬስ ገራ ገራይሲ ዋጌዬ ዋጋ ገደኔ? ገራ ገራኔ አጋኔ?» ያገደሰና።

15 ሺን ኤንታ ጨቦቴላ ዬሱሲ ኤሪዲ። «ታና አይስ ፓጩቲ? እኔ ኢሲ ሳንቲሜ ታና ቤሲቲ» ያገሰ። 16 ኤንቲ ኢያው ኤሂደሶና። «ሃ ማላይኔ ሱንሳይ ኦዴይሴ?» ያገደዱ ኤንታ ኦይቺሰ።

ኤንቲ። «ሮሜ ካወቀ ቁሳሬይሳ» ያገደሰና።

17 ዬሱሲ ዛሪዲ። «ያተኮ። ቁሳሬይሳ ቁሳሬሰ። ያሳይሳ ያሳሰ አሚቴ» ያገሰን ኤንቲ ኢያባ ማላሌቲደሶና።

ሃይቆፔ ዴንደባ

(ማቶ 22:23-33፤ ሉቃ 20:27-40)

18 ሃይቂዳ አሲ ዴንዴና ጊያ ሳዲቃዊታፔ ኢሲ ኢሲ አሳቲ ዬሱሳኮ ዪዲ። ሃይሳዳ ያገደዱ። ኢያ ኦይቺደሶና።

19 «አስታማሪያው። ሙሴይ ኑስ ሂጊያ ፃፊሼ። ማቾ ኤኪዳ አሲ ናባ ዬሎና ሃይቂኮ። ሄ ሃይቂዳይሳ አሻይ ኢያ ማቺው ኤኪዲ። ባ አሻሰ ናባ ዬላናው ቤሴስ) ያገይሳ ፃፊስ። 20 ቤኒ ዋዴ ላፑን አሻቲ ዴዔይሳታፔ ባይራይ ማቾ ኤኪዲ። ናባ ዬሎና ሃይቂስ። 21 ናምባንሶይ ኢዮ ኤኪስ። አካ ናባ ዬሎና ሃይቂስ። ሄቫንሶይካ ሄሳዳ ሃኒስ። 22 ላፑናቲካ ሄሳላ ኢዮ ኤኪዲ። ናባ ዬሎና ሃይቂደሶና። ኡባፌ ጉዬ። ቃሲ ሄ ማጫሲያ ሃይቃሱ። 23 ያቲን። ላፑናቲ ኢዮ ኤኪዳ ጊሾ ሃይቂዳ አሳይ ሃይቆፔ ዴንዲያ ጋላስ። ኢያ ኤንታፌ አዉሳሰ ማቾ ገደኔ?» ያገደሰና።

24 ዬሱሲ ዛሪዲ። «ሂንቲ ባሌይ። ጌሻ ማፃፋታ ዋይኮ ያሳ ዋልቃ ኤሮና ጊሾሳ! 25 ሃይቂዳ አሳይ ሃይቆፔ ዴንዲያ ጋላስ። ሳሎን ዴዒያ ኪታንቾታ ሜላ ገዳናፔ አቲን አዴ አሳይ ኤኮኮና፤ ማጫ አሳይ ጌሌኮና። 26 ሺን ሃይቂዳይሳታ ዴንዲያባ ገዲኮ። ሙሴ ማፃፋን ፃፊቲዳ ፀጌቲያ ቡሪያባ ኦዲያ ቤሳን። ያሳይ ሙሴኮ። ተኒ። አብራሃሜ ያሳ። ዪሳቃ ያሳ። ያይቆባ ያሳ) ገዳይሳ ናባቢቤኬቲ? 27 ሄሳ ጊሾ። ኢ። ፓፃ ዴዔይሳታ ያሳፌ አቲን ሃይቂዳይሳታ ያሴ ገደና። ሂንቲ ዳሮ ባሊዴታ» ያገሰ።

ኡባፌ አዲያ ኪታ

(ማቶ 22:34-40፤ ሉቃ 10:25-28)

28 ሂጌ አስታማሪታፔ ኢሶይ ኤንቲ ፓላሜይሳ ሺቂዲ ሲዒስ። ቃሲ ዬሱሲ ኤንታው ሎይሴ ዛሪዳይሳ ሲዒዲ። «ኪታ ኡባፌ አዲያ ኪታይ አዉሴ?» ያገደዱ ዬሱሳ ኦይቺሰ።

29 ዩሱሲ ዛሪዲ፣ ኢያ ሃይሳዳ ያገሰ፡ «ኪታ ኡባፌ ኣጲያ ኪታ ሲዒቲ፤ ሲሲራዔሌ ኣሳው፣ ጎዳይ ኑ ያሳይ ኢሲ ጎዳ።

30 ኔ ጎዳ ኔ ያሳ ኔ ኩሜላ ዋዛና፤ ኔ ኩሜላ ሼምፑዋፌ፣ ኔ ኩሜላ ቆፋ፤ ኔ ኩሜላ ዋልቃፌ ደሳ) ያገሰ። 31 ቃሲ ኪታ ኡባፌ ኣጲያ ናምዓንላ ኪታይ ሃይሳ፤ (ኣሴ ኡባ ኔ ሁዒያዳ ደሳ) ያገሰ።

32 ሂጌ ኣስታማሪይ ዩሱሳኮ፡ «ኣስታማሪያው፣ ቱማ ጋዳሳ፤ ኔኒ (ያሳይ ኢሲ ያሳ ዓላላ። ኢያፕ ኣቲን ሃሪ ባዋ) ገዳይሲ ቱማ። 33 ያሳ ኩሜላ ዋዛና፤ ኩሜላ ቆፋ፤ ኩሜላ ዋልቃፌ ደሴይሲ፣ ቃሲ ኣሴ ኡባ ባ ሁዒያዳ ደሴይሲ፣ ፀጊያ ያርሹዋፌ ነሪ ያርሹ ኡባፌ ኣጲሰ» ያገሰ።

34 ዩሱሲ ሂጌ ኣስታማሪያ ዛርይ ኣጲዳ ኤራንቸ ኣሳ ዛር ገዲዳይሳ ቤዒዲ፡ «ኔኒ ያሳ ካዋቲላፌ ሃካባካ» ያገሰ፤ ሄሳፌ ጉዩ፡ ዩሱሳ ሃራባ ኦይቻናው ኦኒካ ሚኒቤና።

ኪሪሰቶሲ ኦዴ ናዔ
(ማቶ 22:41-46፤ ሉቃ 20:41-46)

35 ዩሱሲ ያሳ ኬላን ታማርሲሼ፡ ሃይሳዳ ያገሰ፡ «ሂጌ ኣስታማሬቲ ኪሪሰቶሳ ዋይገዲ ዳዊቲ ናዔ ጎና? 36 ዳዊቲይ ጌሻ ኣያናን ኩሚዲ፡

ሳዳይ፡ ታ ጎዳ፡ «ታኒ ኔ ሞርኬታ ኔ ቶሆይ ዩጲያሶ ኦላና ጋካናው፡

ሃይሳን ታፕ ኡሻቻ ባጋራ ኡታ» ገሰ) ያገሰ። 37 ዳዊቲይ ባ ሁዒን ኪሪሰቶሳ፡ (ሳዳ) ገዲ ፀገኮ፡ ያቲን፡ ኪሪሰቶሲ ዋኒዲ፡ ዳዊቲ ናዔ ገዲ» ያገሰ።

ዳር ኣሳይ ዩሱሲ ገይሳ ኡፋይሳን ሲዒደሶና።

ዩሱሲ ሂጌ ኣስታማሬታኔ ፋሪሳዊታ ቦሪሰ
(ማቶ 23:1-36፤ ሉቃ 20:45-47)

38 ዩሱሲ ታማርሲሼ፡ ሃይሳዳ ያገሰ፡ «ሂጌ ኣስታማሬታፕ ናጌቲቲ፤ ኤንቲ ኣዲሳ ማዖ ማዒዲ ዩዩይሳኔ ጊያንካ ኣሳይ ኤንታ ቦንቸዲ ሳርፎይሳ ደሶሶና። 39 ኤንቲ ኣይሁዴ ዋሳ ኬላታን ዳር ሎዖ ኦይዴ ደሶሶና፤ ቃሲ ኣሲ ባንታና ሞኪያ ቤሳን ቦንቸ ቤሲ ደሶሶና። 40 ኤንቲ ኣምዔታ ኬላ ቦንቄዲ፡ ባንታው ሎዖ ዳናናው ዋሳ ኣዲሶሶና፤ ኤንቲ ኡባፌ ኣጲያ ፒርዳ ኤካና» ያገሰ።

አምቤ ሙፃታ
(ሉቃ 21:1-4)

41 ዩሱሲ ያሳ ኬላን ሙፃታ ዩጊያ ሳዲኒያ ማታን ኡቲዲ፣ አሳይ ባ ሚሺያ ሄ ሳዲኒያን ዩጌይሳ ቤዒሲ፤ ዳሮ ዳሬ አሳይ ዳሮ ሚሺያ ሄ ሳዲኒያን ዩሳሶና። 42 ኢሲ ማንቆ አምቤ ያዳ፣ ናምዑ ባካናታ ሄ ሳዲኒያን ዩጋሱ። 43 ዩሱሲ ባ ታማሬታ ጃጊዲ፣ «ታኒ ሂንቴው ቱማ ኦዳይሰ፤ ሙፃታ ሳዲኒያን ዩጊዳ አሳ ኡባሬ ሃ ማንቆ አምቤ ዳርሳዳ ዩጋሱ። 44 አይሰ ጊኮ፣ ሃራቲ ኡባይ ባንታው ፓላሂዳ ሚሺያፔ ዩጊዳሶና። ሺን ኢያ ባ ፓጩያፌ፣ ባው ዳዒያ አቁዋ ኩሜሊ ኢማሱ» ያገሰ።

13

ዩሱሲ ያሳ ኬላይ ላሌታናይሳ ኮይርቲዲ ኦዲሰ
(ማቶ 24:1-2፤ ሉቃ 21:5-6)

1 ዩሱሲ ያሳ ኬላፌ ኬዩሺን፣ ኢያ ታማሬታፔ ኢሶይ፣ «አስታማሪያው፣ ሃ ሎፖ ሹቻኔ ሃ ሎፖ ሹቻ ኬላ ቤዒይ!» ያገሰ።
2 ዩሱሲ ዛሪዲ፣ «ሃ ጊታ ሹቻ ኬላ ቤዒይ? ሃ ኬላይ ሹቹ ሹቻ ቦላ ገምቤቲዳ ማላ ላሌቶና ኣቴና፤ ኢሲ ሹቹካ ኣቶና ኡባይ ላሌታና» ያገሰ።

ጎዳይ ያናፔ ኮይርቲዲ ጋካና ጎዳኔ ዋያ
(ማቶ 24:3-14፤ ሉቃ 21:7-19)

3 ዩሱሲ ያሳ ኬላፌ ሂኒ ባጋራ ሻማሆ ዳሪያ ቦላ ኡቲዳሺን፣ ጴዳርሲ፣ ያይቆቢ፣ ዮሃኒሲኔ ኢንዲሪያሲ ባንታርካ ኢያኮ ዩዲ፣ 4 «ሃይሲ አዉዳ ሃናኔኮ፣ ኑሰ ኦዳ፤ ሃ ኡባይ ፖሌታና ዋዲያ ኤሪሲያ ማላታይ አይቤ?» ያገዲ ኦይቹዳሶና።
5 ዩሱሲ ቃሲ ኤንታው ሃይሳዳ ያገዲ ኦዲሰ፣ «ሂንቴና ኦኒካ ባሌላና ማላ ናጌቲቴ። 6 ዳሮ አሳቲ ታ ሱንላን፣ (ታኒ ኪሪሰቶሳ) ያገዲ ታማርሲሼ ዩዲ፣ ዳሮ አሳ ባሌላና። 7 ማታን ዳዒያ ኦላኔ ሃሆን ዳዒያ ኦላ ዋሪ ሂንቴ ሲዒያ ዋዳ ሂርጎፊቴ። ሄሳ ማላባይ ሃናናው ቤሴሰ፣ ሺን ዉርሴላይ ቡርና። 8 ኢሲ ቢታ አሳይ ሃራ ቢታ አሳራ ኦሌታና፤ ቃሲ ኢሲ ካዋቴላይ ሃራ ካዋቴላታራ ኦሌታና፤ ቢታ ቃይሰ ኡባ ቤሳን ሃናና፤ ኮሻይ ዳና፣ ሺን ሄሲ ኡባይ ዩሎ ኢቆሳሰ ዘኬ ማላ።

9 «ሺን ሂንቴ፣ ሂንቴ ሁዔን ናጌቲቴ። አይሰ ጊኮ፣ አሲ ሂንቴና ኦይኪዲ፣ ፐርዳ ኬላሰ አሊ ኢማና፤ ቃሲ አይሁዳ ዋሳ ኬላታንካ ሂንቴና ሊሶን ጋራፋና፤ ዳሪያ ሃራይሳታ ሲንላኒኔ ካዋታ ሲንላን

ታ ጊሾ ሂንቴ ማርካታናው ኤቃና። 10 ወርሴላይ ጋካናፔ ሲንሌ ምንጌላይ ኮይሮ ዳሬ ኡባሰ ኦይታናው ቤሴሰ። 11 ኤንቴ ሂንቴና ፐርዳ ኬሌ ኤሂያ ምዴኔ ኣሉ ኢሚያ ምዴ ምይጊዲ ኦዳኔኮ ኮይሮ ሂርጎፊቴ፤ ሄ ሳቲያን ያሳይ ሂንቴው ኢሚያባ ኦዲቴ። ሂንቴናን ጌሻ ኣያናይ ኦይቴሲፔ ኣቲን ሂንቴና ጊዴኮታ።

12 «ኢሻይ ባ ኢሻ፣ ኣዋይ ባ ናዓ ምዲሳና። ናይቲ ባንታና ዩሊዳይሳታ ቦላ ዴንዲዲ፣ ኤንታ ምዲሳና። 13 ኣሳይ ኡባይ ሂንቴና ታ ሱንላ ጊሾ ኢፃና፣ ሺን ወርሴሌ ጋካናው ሚኒዳይ ኣታና።

ዩሩሳሌም ጋካና ኢታ ማቲዋ
(ማቶ 24:15-28፤ ሉቃ 21:20-24)

14 «ሺን ባሻ ቱናቴላይ ኤቃናው ቤሶና ቤሳን ኤቁዳሺን ሂንቴ ቤዓና።» (ኣኬኪሶ፡ ሄሲ ምይ ጉሴኮ ናባቤይሲ ኣኬኮ!) «ዪሁዳ ቢታን ሄ ምዴ ዳዔይሳቲ ዳሪያኮ ባቃቶ። 15 ኬላ ሁዔን ዳዔያ ኡራይካ ኢሲባ ኤካናው ዲጌ ምዲዲ፣ ባ ሶ ጌሎፖ። 16 ጋዴን ዳዔይሲ ባ ማዑ ሌካናው ጉዬ ሲሞፎ። 17 ሄ ምዴ ቃንሳቲዳ ማጨሳታሲኔ ቋንሌያ ማጨሳታሰ ዳር ኡንዓ ጊዳና። 18 ሺን ሃይሲ ኡባይ ሃኒያ ምዴይ ባልጎ ጊዳና ማላ፣ ያሳ ምሱቴ። 19 ኣይሰ ጊኮ፣ ያሳይ ኣላሚያ ማዲዳ ምዲያፔ ደሚዲ፣ ሃዒ ጋካናው ሃኒቦና ማቶይኔ ሲንሳፊካ ሃናና ማቶይ ኣሳ ቦላ ሄ ምዴ ሃናና። 20 ጎዳይ ሄ ጋላሳታ ታይቡዋ ጉላናኮ፣ ኣሴ ጊዲዳይ ኦኒካ ኣቴና። ሺን ኢ ባ ደሪዳ ኣሳ ጊሾ ሄ ጋላሳታ ታይቡዋ ጉላሰ።

21 «ሄ ምዴ ኦኒካ ሂንቴና፣ ሳኮ፣ ኪሪሰቶሲ ሃይሳን ዳዔሰ ምይኮ ኪሪሰቶሲ ሃኒን ዳዔሰ) ያጊኮ፣ ሄሳ ኣሚኖፒቴ። 22 ምርዳንቾ ኪሪሰቶሳቲኔ ምርዶ ናቤቲ ዳንዲዲ ባንታው ዳንዳዔቲኮ፣ ሃሪ ኣቶሺን ያሳይ ደሪዳይሳታካ ባሌላናው ማላታታኔ ማላሊሲያባታ ቤሳና። 23 ሺን ሂንቴ ናጌቲቴ፤ ታኒ ሂንቴው ኡባባ ካሴታዳ ኦዳሰ።

ኪሪሰቶሳ ናምዓንሉ ዩሳ
(ማቶ 24:29-31፤ ሉቃ 21:25-28)

24 «ሺን ሄ ምዴ ሄ ምያፔ ጉዬ፣
ኣዋይ ቋማና፤
ኣጌናይ ፖዑዋ ኣጋና፤

13:9 ማቶ 10:17-20፤ ሉቃ 12:11-12 13:13 ማቶ 10:22 13:14 ዛሬ 9:27፤ 11:31፤ 12:11 13:15 ሉቃ 17:31 13:19 ዛሬ 12:1፤ ዮ.ቆ 7:14 13:24 ኢሳ 13:10፤ ኤር 2:10

25 ያሊንቶቲ ሳሎፔ ኩንዳና፤
 ቃሲ ሳሎን ዳዒያ ዋልቃቲካ ቃፃና።
 26 ሄ ዋዴ ኣሳ ናዓይ፡ ጌታ ዋልቃራኔ ቦንቹዋራ ሻራ ጌዶራ ዪሺን ኤንቲ ቤዓና። 27 ሄ ዋዴ ታኒ ኪታንቸታ ሳዓ ኦይዲ ባጋ ኪታና፤ ሳዓ ጋፃፔ ሳሎዋ ጋፃ ጋካናው፡ ያሳይ ዶሪዳ ኣሳ ሺሻና።

ዋዴይ ጋኪዳይሳ ኤሪሲያ ባላሴ ሚሊው
 (ማቶ 24:32-35፤ ሉቃ 21:29-33)

28 «ለሚሱዋ ባላሴ ሚላፌ ኣኩኪቲ፤ ባላሲያ ኣጨያ ዋዴኔ ኢ ሃይላይ ጨለዒያ ዋዴ ቶርቹይ ማታቲዳይሳ ሂንቲ ኤሬታ።
 29 ሄሳዳካ፡ ሂንቲ ሄ ኡባባይ ሃኔይሳ ቤዒያ ዋዴ ኢ ማቲዲ ፔንጌ ጋኪዳይሳ ኤሪቲ። 30 ታኒ ሂንቲው ቱማ ኦዳይሰ፤ ሃ ኡባባይ ሃናና ጋካናው ሃይሳን ዳዒያ ኣሳ ኡባይ ሃይቄና። 31 ሳሎይኔ ሳዓይ ኣቆና፡ ሺን ታ ቃላይ ኡባራካ ኣጴና።

ጎዳይ ያና ጋላሳኔ ሳቲያ ኦኒካ ኤሬና
 (ማቶ 24:36-44)

32 «ሺን ሄ ጋላሳኔ ሄ ሳቲያ ኣዋ ፃላላፔ ኣቲን ሃሪ ኣቶሺን ሳሎን ዳዒያ ኪታንቸታ ጌዲን ዋይኮ ናዓ ጌዲን ኦኒካ ኤሬይ ባዋ። 33 ሄ ዋዴይ ኣዉዴ ጌዳኔኮ፡ ሂንቲ ኤርና ጊሾ ናጌቲቲኔ ሚኒቲ። 34 ታ ዩሳይ ባ ኬላ ኣጊዲ፡ ኦጌ ቢያ ኡራ ሜላ። ኡራይ ባ ኣይሌታ ሁዔን ሁዔን ኦሱዋ ኢሚዲ ኤንታ ባ ኦሱዋሰ ኣዋ ኦሊሰ፤ ቃሲ ናጌይሲካ ሚንሊዲ ናጋና ሜላ ከቲሰ።
 35 «ሃሳ ጊሾ፡ ሚኒቲ። ኣይሰ ጊኮ፡ ኬላዋይ ኦማርሲ ጌዲን ዋይኮ ጌዲ ቢላሃ ጌዲን ዋይኮ ኩቶ ዋሶ ጌዲን ዋይኮ ዋንታ ጉራ ጌዲን ኣዉዴ ያኔኮ፡ ሂንቲ ኤሬኬታ። 36 ሂንቲ ኣኬኮና ኢ ዪዲ ሂንቲና ቋሰኪዲ ዳዒሺን ዳዋና ሜላ ሚኒቲ። 37 ታኒ ሂንቲው ኦዳይሳ ኣሳ ኡባሰ ኦዳይሰ፤ ሚኒቲ» ያገሰ።

14

ኪሪሰቶሳ ቦላ ማቄቲዶሶና
 (ማቶ 26:1-5፤ ሉቃ 22:1-2፤ ዮሃ 11:45-53)

1 ፓሲካ ባሌ ቦንቹያ ጋላሳይኔ ኡይላ ባሌ ቦንቹያ ጋላሳይ ጋካናው ናዋዑ ጋላሲ ኣቲሰ። ካሂኔ ሃላቃቲኔ ሂጌ ኣስታማሬቲ

13:25 ኢሳ 34:4፤ ዮ.ቆ 6:13፤ ኤር 2:10 13:26 ዛሬ 7:13፤ ዮ.ቆ 1:7
 13:32 ማቶ 24:36 13:34 ሉቃ 12:36

አሲ ኤሮና ዩሱፊ አይኪዲ ዋጂያ ኦጌ ኮዮሶና። 2 «አሳይ ኦሽ ኬሶና ማላ ፓሲካ ቦንቺያ ጋላሳን ሄሳ ኦሎኮ» ያገደሶና።

ዩሱፊ ሽቱዋ ቲዩዳ ማጫሲው
(ማቶ 26:6-13፤ ዮሃ 12:1-8)

3 ዩሱሲ ቢታኒያ ካታማን ባሮ ሃርጋንቹዋ ሲሞና ሶን ገቢራ ቦላ ኡቲዳሺን፣ ኢሲ ማጫሲያ አልባሰዊሮሴ ገያ ሹቻፌ ኦሴቲዳ ጸልቃፀ ኩሜላ ናርዶሴ ገያ ዳሮ አልፎ ሺቶ ኤካዳ ያሱ። ሄ ጸልቃፀያ ሚንላዳ ሽቱዋ ዩሱፊ ሁዒያን ቲጋሱ። 4 ሄ ቤሳን ዴዒያ አሳፔ ኢሶይ ኢሶይ ሃንቁቲዲ፣ «ሃ ሺቶይ ማላ ጮ ኢቲይ አይቢሴ? 5 ሃ ሽቱዋ ሃቹ ፃቱ ዲናሬን * ባይዚዲ፣ ሚሺያ ማንቆታሰ አማናው ዳንዳዔቴሰ» ያገዲ ባንታ ገደን ኦዴቲዶሶና። ያቲዲ፣ ሄ ማጫሲው ዳሮ ቦሪዶሶና።

6 ሺን ዩሱሲ «ሃ ማጫሲው አይኮካ ጎፒቲ፤ ኢዮ አይሰ ዋይሴቲ? ኢያ ታው ሎዖባ አላሱ። 7 ማንቆቲ ኡባ ዋዴ ሂንቴራ ዴዖሶና። ሂንቴ ኮዩዳ ዋዴ አዉዴካ ሂንቴ ኤንታ ማዳናው ዳንዳዔታ፣ ሺን ታኒ ኡባ ዋዴ ሂንቴራ ዴዒከ። 8 ኢያ ባ ዳንዳዒዳይሳ አላሱ፤ ቃሲ ታና ሞጎሰ ገገሳናው ካሴታዳ ሺቶ ቲያሱ። 9 ታኒ ሂንቴው ቱማ ኦዳይሰ፤ ሳሳ ኡባን ዋንጌላ ኦዲያሶን አዉንካ፣ አሳይ ኢዮ አኬካና ማላ ሃ ኢያ ኦሴዳይሲ ኦዴታና» ያገሰ።

ዩሁዲ ዩሱፊ አሴዲ አማናው ዞሬቲሰ
(ማቶ 26:14-16፤ ሉቃ 22:3-6)

10 ታማኔ ናሞዑ ታማሬታፔ ኢሶይ አሰቆርታ ዩሁዲ ጌቲቴይሲ ዩሱፊ ካሂኔ ሃላቃታሰ አሴ አማናው ኤንታኮ ቢሰ። 11 ኤንቲ ሄሳ ሲዒዳ ዋዴ ኡፋይቲዲ፣ «ኦኒ ኔው ሚሹ አማና» ያገደሶና፤ ዩሁዲ ዩሱፊ አሴ አማናው ኢንጄ ዋዴ ኮዩሰ።

ዩሱሲ ባ ታማሬታራ ፓሲካ ሚሰ
(ማቶ 26:17-25፤ ሉቃ 22:7-14፣ 21-23፤ ዮሃ 13:21-30)

12 ኡይላ ባሌይ ቦንቹቲያ ኮይሮ ጋላሰ፣ ፓሲካ ካላ ማናው ማራዜ ሹኪያ ዋዴ ዩሱፊ ታማሬቲ ኢያኮ፣ «ፓሲካ ቦንቹያ ጋላሰ ኔኒ ማና ካላ ኦኒ አው ቢዲ ገገሲና?» ገዲ ኦይቺዶሶና።

14:1 ኬሳ 12:1 14:3 ሉቃ 7:37 * 14:5 ሃቹ ፃቱ ዲናሬ፣ ኢሲ አሳሰ ላይላን ጨጌቲያ ሎዖ ዳሞዜፔ ቦላ ገዲያ ሚሹ። 14:7 ዛሬ 15:11

13 ዩሱሲ ባ ታማሪታፔ ናምዓታ ሃይሳዳ ያጊዲ ከቲስ፡ «ካታማ ቢቴ፤ ሂንቴ ቢሺን፤ ኦቶራ ሃሌ ቶኪዳ ኢሲ ኡራይ ሂንቴራ ጋሂታና፤ ኢያ ካሊቴ። 14 ኢ ቢዲ ጌሊያ ከላዋ፡ ላስታማሬይ ኔኮ፡ «ታኒ ታ ታማሪታራ ፓሲካ ማናው ኢማላ ከፊሌይ አዉኔ?» ያጌሰ) ያጊቴ። 15 ከላዋይ ሂንቴና ፖቂያ ቦላ ዴዲያ ጊጊ ኡተዳ ዳልጋ ከፊሌ ቤሳና፤ ሄሳን ጊጊሲቴ» ያጊሰ።

16 ሄ ናምዑ ታማሪቲ ከዩዲ፡ ካታማ ቢደሶና፤ ዩሱሲ ኤንታው ኦዲዳይሳዳ ዴሚዲ፡ ፓሲካ ካላ ጊጊሲደሶና።

17 ሳዓይ ኦማርሲያ ዋዴ ዩሱሲ ታማኔ ናምዑ ታማሪታራ ያ ቢስ። 18 ኤንቴ ኡተዲ ካሊ ሚሺን፡ ዩሱሲ ኤንታኮ፡ «ታኒ ሂንቴው ቱማ ኦዲይስ፤ ሂንቴፌ ኢሶይ ታራ ሜይሲ፡ ታና አሊ ኢማና» ያጊሰ።

19 ኢያ ታማሪቲ ዳጋሚዲ፡ ባንታ ሁዔን ሁዔን፡ «ቱማ ታኔሻ?» ያጊዲ ኢያ ኦይቺደሶና።

20 ዩሱሲ ዛሪዲ፡ «ሄ ኡራይ ሂንቴ ታማኔ ናምዓታፔ ኢሱዋ፤ ኢ ታራ ኢሲፌ ቱሻናው ባ ኡይላ ሻቲያን ዩዴይሳ። 21 አሳ ናዓይ፡ ጌሻ ማፃፋይ ሃይቃና ጊዳይሳዳ ሃይቃና፡ ሺን አሳ ናዓ፡ አሊ ኢሚያ ኡራ አዬ። ሄ ኡራይ ዩሌቶና አቲዳኮ ኢያው ሎፖሺን» ያጊሰ።

ኅዳ ካሁዋ

(ማቶ 26:26-30፤ ሉቃ 22:14-20፤ 1ቆሮ 11:23-25)

22 ኤንቴ ሚሺን፡ ዩሱሲ ኡይላ ኤኪዲ፡ ያሳ ጋላቲስ፤ ሄ ኡይላ ሚንሊዲ፡ ባ ታማሪታስ ኢሚሼ፡ «ሄዒቴ፡ ሃይሲ ታ አሹዋ» ያጊሰ።

23 ፀዓ ኤኪዲ፡ ያሳ ጋላቲዲ፡ ኤንታው ኢሚን ኡባይካ ሄ ፀዓፔ ኡዩደሶና። 24 ዩሱሲ፡ «ሃይሲ ኦራላ ጫቁዋን ዳሮ አሳ ጊሾ ጉኪያ ታ ሱላ። 25 ታኒ ሂንቴው ቱማ ኦዲይስ፤ ታኒ ያሳ ካዋቲላን ኦራላ ዋይኒያ ኡያና ጋላሳይ ጋካናው ዛራዳ ሃ ዋይኒያፔ ኡዩኬ» ያጊሰ።

26 ማዘሙራ ዩዲዳፔ ጉዬ ሻማሆ ዴሪያ ቦላ ቢደሶና።

ጳደርሲ ካዳናይሳ ዩሱሲ ኮይርቲዲ ኦዲስ
(ማቶ 26:31-35፤ ሉቃ 22:31-34፤ ዮሃ 13:36-38)

27 ዩሱሲ ኤንታኮ፡ «ሂንቴ ኡባይ ታና ዩጊ አጊዲ ባቃታና፤ ጌሻ ማፃፋይ፡

የጸላይ ደርሳ ሄሜይሳ ዋዳና፤
ደርሳቲ ኡባይ ላሌታና)

ያጌሰ። 28 ሺን ታኒ ሃይቆፔ ዴንዲዳፔ ጉዬ ሂንቴፌ ካሴታዳ ጋሊላ ባና» ያጌሰ።

29 ጳጳሮሲ ዛሪዲ፣ «ኤንቲ ኡባይ ኔና ዬጊ አጊዲ ባቃቲኮካ፣ ታ ኔና አጊኬ» ያጌሰ።

30 ዩሱሲ ጳጳሮሳኮ፣ «ታኒ ኔው ቱማ ኦዳይሰ፤ ሃቺ ቃማ ኩቶይ ናምዑ ቶሆ ዋሳናፔ ሲንጤ ኔኒ ታና ሄቹ ቶሆ ካዳና» ያጌሰ።

31 ሺን ጳጳሮሲ ካሴይሳፌ ሚንጢዲ፣ «ታኒ ሃሪ አቶሺን፣ ኔራ ኢሲፌ ሃይቂያኮካ፣ ኔና ካዲኬ» ያጌሰ። ቃሲ ሃራቲ ኡባቲካ ሃሳዳ ጊደሶና።

ዩሱሲ ጌቴሴማኔን ዋሲሰ
(ማቶ 26:36-46፤ ሉቃ 22:39-46)

32 ጌቴሴማኔ ጊያ ቤሳ ቢደሶና፤ ዩሱሲ ባ ታማሬታኮ፣ «ታኒ ያሳ ዋሳዳ ሲማና ጋካናው ሂንቲ ሃይሳን ኡቲሺቴ» ያጌሰ።

33 ዩሱሲ ጳጳሮሳ፣ ያይቆባኔ ዮሃኒሳ ባራ ኤኪዲ ቢሰ፤ ዳር ዋዩቲሲኔ ኡንዔቲሰ። 34 ቃሲ ኤንታኮ፣ «ታኒ ሃይቃና ጋካናው አዛናሰ፣ ሃይሳን ጋምዒሺቴ፤ ጳሰኮፊቴ» ያጌሰ።

35 ጉሌ ሲንጤ ሸቂዲ፣ ሳዓን ጉፋኒዲ፣ ዳንዳዔቲያባ ጊዲኮ፣ ሄ ዋያ ሳቲይ ባፔ አዳና ሚላ፣ ያሳ ዋሲሰ። 36 ቃሲ፣ «አባ፣ ታ አዋው፣ ኡባባይ ኔው ዳንዳዔቲሰ፣ ሃ ዋዩ ፀዓ ታፔ ዲጋ። ሺን ኔ ሺኔይ ሃኖፔ አቲን ታ ሺኔይ ሃኖፖ» ያጌሰ።

37 ዩሱሲ ባ ታማሬታኮ ሲሚ ዪዲ፣ ኤንቲ ጳሰኪዳሺን ዴሚዲ፣ ጳጳሮሳኮ፣ «ሲሞና፣ ጳሰካዲ? ኔኒ ኢሲ ሳቲካ ባርካዳ ናጋናው ዳንዳዓቢኪ? 38 ፓጩን ሂንቲ ጌሎና ሚላ ባርኪዲ ናጊቴኔ ያሳ ዋሲቴ። ሂንቲው ሎዖ አሞይ ዴዔሰ፣ ሺን ሂንቲ ዳቡራንቾ አሲ» ያጌሰ።

39 ቃሲካ ቢዲ ካሴይሳዳካ ያሳ ዋሲሰ። 40 ባ ታማሬታኮ ጉዬ ሲሚዲ ያ ዋዩ ጳሰኪዳሺን ዴሚሰ። ኤንታ አይፊያ ጳሰኮይ ጎዚ ዋሉዳ ጊሾ ኢያኮ አይ ኦዴታያኮካ ኤሮኮና።

41 ሄቫንሶ ኤንታኮ ዪዲ፣ «ሃዒ ጋካናዉካ ጳሰኬቴኔ ሸምፔቲ? ሂዛ፣ ጊዳና፤ ሳቲይ ጋኪሰ፤ ቤዒቴ! አሳ ናዓይ፣ ናጋራንቾ አሳታሰ አጲ ኢሚታና ዋዴይ ጋኪሰ። 42 ዴንዲዲ ዩጲቴ፤ ቤዒቴ፣ ታና አሉ ኢማናይሲ ጋኪሰ» ያጌሰ።

ዩሱሲ ባ ሞርኬታ ኩሼን ኦይኬተሰ
(ማቶ 26:47-56፤ ሉቃ 22:47-53፤ ዮሃ 18:3-12)

43 ዩሱሲ ሄሳ ቡሮ ኦዲሺን፣ ታማኔ ናሞዑ ኢያ ታማሬታፔ ኢሶይ፣ ዩሁዲ፣ ኤሌሲዲ ጋኪ ዋጂሰ። ቃሲ ካሂኔ ሃላቃቲ፣ ሂጌ አሰታማሬቲኔ ጨማቲ ከቲን፣ ማሼኔ ፃሞዓ ኦይኪዳ ዳሮ አሳይ ኢያራ ኢሲፌ ዩደሶና። 44 ዩሱሳ አሉ ኢማናይሲ ሄ ዳሮ አሳሰ፣ «ታኒ ዩሬይ ኢያ፤ ኢያ ኦይኪዳ፣ ሎይሉ ናጊዲ፣ ኤኪ ኤፊቴ» ያጊዲ ማላ ኦዲ ዋሲሰ።

45 ዩሁዲ ጋኪ ዋጂዳ ማላ ዩሱሳኮ ሸቂዳ፣ «አሰታማሬያው» ያጊዲ ዩሱሳ ዩሪ ኤኪሰ። 46 ሄ ዳሮ አሳይ ዩሱሳ ኦይኪደሶና። 47 ሺን ማታን ኤቁዳይሳታፔ ኢሶይ ባ ማሻ ሾዲዲ ካሂኔ ሃላቃ ኦይሊያ ሾጪዲ፣ ኢያ ሃይላ ቃንፂዲ ሆሊሰ።

48 ዩሱሲ ዛሬዲ፣ ሄ ሸቂዳ ዳሮ አሳኮ፣ «ታና ፓንጋ ኬሲዲ፣ ፓንጋ ኦይኬይሳዳ ኦይካናው ማሼኔ ፃሞዓ ኦይኪዲ ዩዳቲ?»

49 ታኒ ያሳ ኬላን ታማርሳሼ፣ ጋላሰ ጋላሰ ሂንቴራ ዴዒያ ዎዴ ታና ኦይኪቤኬታ፣ ሺን ጌሻ ማፃፋይ ጊዳይሲ ፖሌታናው ቤሴሰ» ያጊሰ።

50 ኢያ ታማሬቲ ኡባይ ኢያ ዩጊ አጊዲ ባቃቲደሶና።

51 ላፃና ፃላላ ማዒዳ ኢሲ ናቴላ ኡራይ ዩሱሳ ካሊይሳ አሳይ ኦይኪሰ። 52 ሺን ሄ ኡራይ ላፃና ዩጊ አጊዲ፣ ፂሬ ካሎ ባቃቲሰ።

ዩሱሳ ፒርዳ ሻንጎ ሲንጼ ኤፊደሶና

(ማቶ 26:57-68፤ ሉቃ 22:54-55፣ 63-71፤ ዮሃ 18:13-14፣ 19-24)

53 አሳይ ዩሱሳ ካሂኔ ሃላቃ ሶ ኤፊደሶና። ያን ካሂኔ ሃላቃቲ፣ ጨማቲኔ ሂጌ አሰታማሬቲ ሸቂዲ ዴዎሶና። 54 ጰፂርሲ ካሂኔ ሃላቃ ዛባ ጋካናው ሃሆን ኢያ ካሊ ቢዲ ያን ናጌይሳታራ ኡቲዲ ታማ ካዩሰ።

55 ካሂኔ ሃላቃቲኔ ሸቂዳ አሳ ኡባይ ዩሱሳ ዎጃናው ኢያ ቦላ ማርካ ኮዩደሶና፣ ሺን አይኮካ ዴሚቦኮና። 56 ዳሮ አሳቲ ኢያ ቦላ ዎርዶ ማርካቲደሶና፣ ሺን ኤንታ ማርካቴላይ ኢሲና ጊዴና።

57-58 ኢሲ ኢሲ አሳቲ ዴንዲ ኤቁዲ ዩሱሳ ቦላ፣ «ኢ፣ ታኒ አሲ ኬፂዳ ሃ ያሳ ኬላ ላላዳ፣ አሳ ኩሼን ኬፃቲቦና ሃራ ያሳ ኬላ ሄቩ ጋላሳ ጊደን ኬፃና፣ ጊሺን ኮኒ ሲዒዳ» ያጊዲ ዎርዶ ማርካቲደሶና። 59 ጊደሺን፣ ኤንታ ማርካቴላይ ሄሳንካ ኢሲና ጊዴና።

60 ካሂኔ ሃላቃይ አሳ ኡባ ሲንፋን ዳንዲ ኤቁዲ፡ «ሃይሳቲ ኔና ሞቲያ ሞቱሞስ ኔ ዛሪያባይ ባዌ?» ያጊዲ ዬሱሳ ኦይቸሰ።

61 ሺን ዬሱሱ ሲዲ ገሰ፤ አይኮካ ዛሪቤና። ካሂኔ ሃላቃይ፡ «አንጃቲዳ ያሳ ናዓይ፡ ኪሪሰቶሲ ኔኔዬ?» ያጊዲ ዛሪ ኦይቸሰ።

62 ዬሱሱ ዛሪዲ፡ «ኤ ታና፡ ሂንቴ አሳ ናዓይ፡ ዎልቃማ ያሳፊ ኡሻቻ ባጋራ ኡቲዳሺን ቃሲ ሳሉዎ ሻራራ ዩሺን ቤዓና» ያጊሰ።

63 ካሂኔ ሃላቃይ ባ ማዑዎ ፔዲዲ፡ «ኦና ሃራ ማርካ አይ ኮሺ? 64 ሂንቴ ኢያ ጫሻ ሲዒዳታ፤ ሂንቴ ቆፋይ አይቤ?» ያጊሰ። ኤንቲ ኡባይ፡ «ኢ ሃይቃናው ቤሰሰ» ያጊዲ ኢያ ቦላ ፐርዲደሶና።

65 ኤንታፊ ኢሶቲ ኢሶቲ ኢያ ቦላ ጩቴሉ ኦይኪደሶና። ኢያ አይፊያ ጎዚዲ ባቂሼ፡ «ኔና ዳቸዳይ ኦኔ? ኦኔ ኮሰ ኦዳ!» ያጊደሶና። ናጌይሳቲ ኢያ ኤኪ ኤፊዲ ጋራፊደሶና።

ጳጳርሲ ዬሱሳ ካዲሰ

(ማቶ 26:69-75፤ ሉቃ 22:56-62፤ ዮሃ 18:15-18፤ 25-27)

66 ጳጳርሲ ካሂኔ ሃላቃ ዛባን ጋርሳ ባጋራ ዳዒሺን፡ ካሂኔ ሃላቃ ማጫ አይሌታፔ ኢሲኒያ ያ ያሱ። 67 ጳጳርሲ ታማ ካዬይሳ ቤዓዳ፡ ቲሺ ኦፋ ጻላዳ፡ «ኔኒካ ናዚሬቴ ዬሱሳራ ዳዓሳ» ያጋሱ።

68 ሺን ጳጳርሲ፡ «ኔ ጌይሲ አይቤኮ ታ ኤሪኬ፡ ታው አኬኬቴና» ያጊዲ ካዲሰ። ያጊ ሲሚዲ ዛጎ ኬያ ዎዳ ሶሁዋራ ኩቶይ ዋሲሰ።

69 ሄ አይሊያ ጳጳርሳ ቤዓዳ፡ ኢያ ማታን ኤቁዳ አሳታኮ፡ «ሃ ኡራይካ ኤንታራ ዳዔሰ» ጋዳ ዛራ ኦዳሱ። 70 ሺን ጳጳርሲ ቃሲካ ካዲሰ።

ጉሉ ጋምዒሺን፡ ማታን ኤቁዳ አሳቲ ናምዓን፡ ጳጳርሳኮ፡ «ኔኒ ጋሌላ ቢታ አሲ ጊዲያ ጊሾ ቱማ ኤንታራ ዳዓሳ» ያጊደሶና።

71 ሺን ጳጳርሲ፡ «ታኒ ሂንቴ ጊያ ኡራ ኤሪኬ!» ያጊዲ ባና ቃንጌሉኔ ጫቆ ኦይኪሰ።

72 ሶሁዋራ ኩቶይ ናምዓን፡ ዋሲ አጊሰ። ጳጳርሲ ዬሱሱ ኢያኮ፡ «ኔኒ ኩቶይ ናምዑ ቶሆ ዋሳናፔ ሲንፍ ሄሹ ቶሆ ታና ካዳና» ኢያኮ ጊዳይሳ አኬኪዲ ዳር ዬኪሰ።

15

ዩሱፍ ጲላዎሳኮ ኤፊደሶና

(ማቶ 27:1-2፣ 11-14፤ ሉቃ 23:1-5፤ ዮሃ 18:28-38)

1 ዋንታ ጉራ ኤሌሲዲ ካሂኔ ሃላቃቲ፣ ጨማቲ፣ ሂጌ አስታማሬቲኔ አይሁዳ ሻንጎቲ ኡባይ ሸቂዲ ማቄቲደሶና። ኤንቲ ዩሱፍ ቃቺ ኤፊዲ ጲላዎሳኮ አሉ አሚደሶና።

2 ጲላዎሲ ኢያኮ፣ «ኔኒ አይሁዳታ ካዎ?» ያጊዲ ኦይቺሰ።

ዩሱሲ ዛሪዲ፣ «ኔ ጋዳሳ» ያጊሰ።

3 ካሂኔ ሃላቃቲ ዩሱፍ ዳሮባን ሞቲደሶና። 4 ሺን ጲላዎሲ ዛሪዲ ዩሱፍኮ፣ «ኔው ዛሪያባይ ባዎ? ኤንቲ ኔ ቦላ አይ ማላ ሞቲዎ ኤሂያኮ ቤዒኪ?» ያጊሰ።

5 ሺን ዩሱሲ ሃራባ ዛርና ኢዪን፣ ጲላዎሲ ማላሉቲሰ።

ዩሱፍ ሃይቆ ጊዲ ፒርዲደሶና

(ማቶ 27:15-26፤ ሉቃ 23:13-25፤ ዮሃ 18:39-40፤ 19:1-

16)

6 ጲላዎሳኮ ፓሲካ ባሌ ቦንቺያ ጋላሳን አሳይ ኮያ ኢሲ ኡራ ቃሾፕ ቢሊያ ማዜይ ዴዔሰ። 7 ሄ ዎዴ ኢሲ ባርባና ጊያ ኡራይ ኦቩ ኬሲዲ ሸምፖ ዎቋዳ አሳታራ ኢሲፌ ቃሾ ኬላን ዴዔሰ። 8 ሸቂዳ ዳር አሳይ ጲላዎሲ ካሴይሳዳ ኦላና ማላ ኢያ ኦይቺደሶና። 9 ጲላዎሲ አሳ ዛሪዲ፣ «ታኒ ሂንቴው አይሁዳታ ካጧዎ ቢላናይሳ ኮዩቲ?» ያጊዲ ኦይቺሰ። 10 ሄሳ ኢ ጊዳይ፣ ካሂኔ ሃላቃቲ ዩሱፍ ቃናቲዲ አሉ አሚዳይሳ ኤሪያ ጊሾሳ።

11 ሺን ካሂኔ ሃላቃቲ ዩሱፍ ጊሾ ባርባና ቢላናዳ፣ ሄ ሸቂዳ አሳይ ጲላዎሳ ዎሳና ማላ አሳ ማቂደሶና። 12 ጲላዎሲ ዛሪዲ፣ «ያቲን፣ ሃ ሂንቴ አይሁዳ ካዎ ጌይሳ ዎቶ?» ያጊሰ።

13 አሳይ ጲላዎሳ ቦላ ዋሲዲ፣ «ማሰቃሊያ ቦላ ኢያ ካቃ» ያጊደሶና።

14 ጲላዎሲ አሳኮ፣ «አይሰ? ኢ አይ ኢታባ ኦሉዴ?» ያጊሰ።

ሺን አሳይ ካሴይሳፌ ጉጂ ዋሲዲ፣ «ማሰቃሊያ ቦላ ኢያ ካቃ» ያጊደሶና።

15 ጲላዎሲ አሳ ኡፋይሳናው ኮዪዲ፣ ባርባና አሳሰ ቢሊሰ፤ ያቲዲ ሊሶን ዩሱፍ ጋራፊዲ፣ ማሰቃሊያ ቦላ ካቃና ማላ ኤንታው አሉ አሚሰ።

ዎታዳሬቲ ዩሱፍ ቶቺደሶና

(ማቶ 27:27-31፤ ዮሃ 19:2-3)

16 ሄሳፌ ጉዬ፣ ዋታዳሬቲ ዬሱሳ ዳሪያ ሃሪይሳ ኦሶ ኬላ ኤኪ ኤፊዲ፣ ሃሪ ዋታዳሬታ ኡባ ኢሲፌ ያገደሶና። 17 ቃሲ ዘዎ አፊላ ኢያ ማይዚደሶና፤ አጉንሳ ካላቻ ገገሲዲ፣ ኢያ ሁዒን ዋሊደሶና። 18 ሄሳፌ ጉዬ፣ ኢያኮ፣ «አይሁዳታ ካዉዋው ሚሪናው ካዎታ» ያገደዲ፣ ኢያው ዘገደሶና። 19 ኢያ ሁዒያ ፃምዓን ሾጪደሶና፤ ቃሲ ኢያ ቦላ ጩቲደሶና፤ ጉልባቲዲ ኢያው ጎይኒደሶና። 20 ኢያ ቶቹዳይሳፌ ጉዬ ዘዎ አፊላ ኢያ፤ ቃሪ ኤኪዲ፣ ኢያ አፊላ ኢያ ማይዚዲ ማስቃሊያ ቦላ ኢያ ካቃናው ኤኪ ኤፊደሶና።

ዬሱሳ ካቂደሶና

(ማቶ 27:32-44፤ ሉቃ 23:26-43፤ ዮሃ 19:17-27)

21 ኤንቲ ቢሼ፣ ኢስኪንዲሬኔ ሩፎሳ አዋ፣ ሲሞና ጊያ ቄሬና ቢታ አሲ፣ ጋፃሬፔ ካታማ ዬይሳራ ጋሄቲዲ፣ ዬሱሳ ማስቃሊያ ዋልቃን ቶሲደሶና። 22 ያቲዲ ጎልጎታ ጊያ ቤሳ ዬሱሳ ኤፊደሶና። «ጎልጎታ» ጉሳይ «ሁዒ ጉጌ» ጉሱ። 23 ሳኮይ ሲዔቶና ማላ ካርቤ ጊያ ጳሌይ ዋላኬቲዳ ዋይኔ ኡዮ ጊዲ ኢያው ኢሚደሶና። ሺን ኢ ኡዮና ኢዲስ። 24 ኤንቲ ማስቃሊያ ቦላ ኢያ ካቂደሶና። ኦና አይቤ ጋካኔኮ ጊዲ ኢያ አፊላ ሻኪዲ ሳማ ዬገደሶና።

25 ኤንቲ ማስቃሊያ ቦላ ኢያ ካቂያ ዋዴ ዋንታፌ ሄቭ ሳቴ። 26 ኤንቲ፣ «አይሁዳታ ካዉዋ» ያገደዲ ኢያ ሞቲያ ፀፌ ፃፊዲ ዋሊደሶና። 27 ዬሱሳራ ናምቡ ፓንጋታ ኢሱዋ ኢያ፤ ኡቫቻ ባጋራ ሃንኩዋ ኢያ፤ ሃዲርሳ ባጋራ ማስቃሊያ ቦላ ካቂደሶና። 28 ጌሻ ማፃፋይ፣ «ኢታባ ኦሊዳ አሳታራ ኢ ፓይዳቲስ» ጌቲቲዳይሲ ፖሌቲስ።

29 ኦጊያራ አዲያ አሳይ ዬሱሳ ካዲዲ፣ ባንታ ሁዒያ ቃሊዲ ጫዩደሶና፤ «ሄኮ! ያሳ ኬላ ላላዳ ሄቭ ጋላሳ ጊደን ኬዳይሶ፣ ኔ ሁዒያ አሻ፤ 30 ኣኔ ማስቃሊያ ቦላፌ ዋዳ» ያገደሶና።

31 ሄሳዳካ፣ ካሂኔ ሃላቃቲ ሂጊያ ታማርሴይሳታራ ኢሲፌ ዬሱሳ ቶቹዲ፣ «ሃራታ አሺስ፣ ሺን ባና አሻናው ዳንዳዳና፤ 32 ኦኒ ቤዒዲ አማናና ማላ ኪሪስቶሲ፣ ኢስራዔሌ ካዎይ፣ ኣኔ ማስቃሊያ ቦላፌ ሃዒ ዋዳ» ያገደሶና። ቃሲ ሃሪ ኣቶሺን፣ ኢያራ ማስቃሊያ ቦላ ካቂቲዳይሳቲካ ኢያ ቶቹደሶና።

ዬሱሲ ሃይቂስ

(ማቶ 27:45-56፤ ሉቃ 23:44-49፤ ዮሃ 19:28-30)

15:21 ሮሜ 16:13 15:28 ኢሳ 53:12 15:29 ማዝ 22:7፤ 109:25፤ ማር 14:58፤ ዮሃ 2:19

33 ኡሱፑን ሳቴፔ ደሚዲ፣ ኡዲፋን ሳቴ ጋካናው ቢታ ኡባይ ጰሚሰ። 34 ኡዲፋን ሳቴያን ዬሱሲ ባ ቃላ ጰቁ ኦሊዲ፣ «ኤሎሄ፣ ኤሎሄ፣ ለማ ሳባቂታኒ?» ያገሰ። ሄሳ ጉሳይ፣ «ታ ያሳው፣ ታ ያሳው፣ ታና ኣይሰ ኣገዲ?» ጉሱ።

35 ሄሳን ኤቁዳ ኣሳፔ ኢሶይ ኢሶይ ሄሳ ሲዒዲ፣ «ሄኮ፣ ኤሊያሳ ጭጌስ» ያገሰ። 36 ሄ ኣሳፔ ኢሶይ ዋዲዲ፣ ኢሰፖንጃን ጫላ ዋይኔ ኩንሊስ፤ ሄሳ ፃምዓ ጭራን ዋሊዲ፣ «ናጊቴ፤ ኤሊያሲ ማሰቃሊያፔ ኢያ ዋዲሳናው ያኔኮ ኣኔ ቤዖስ» ያገዲ ዬሱሳ ደናኮ ኡሻናው ሺሺሰ።

37 ዬሱሲ ባ ቃላ ጰቁ ኦሊ ዋሲዲ፣ ሃይቂስ።

38 ያሳ ከላን ካቂቲዳ ማጋራጃይ ቆሞፌ ደጌ ጋካናው፣ ናምዑ ከዪዲ ዳኬቲ ዋዲሰ። 39 ማሰቃሊያፔ ስንላ ባጋራ ያን ኤቁዳ ኢሲ ማቶ ሃላቃይ፣ ዬሱሲ ዋኒዲ ሃይቂዳኮ ቤዒዳ ዋዴ «ሃ ኡራይ ቱማ ያሳ ናዓ» ያገሰ።

40 ሄሳ ሃሆን ኤቁዲ ቤዒያ ጉላ ማጫሳቲ ዴዖሶና። ኤንታ ጊደን ማግዴላ ማይራማ፣ ካሉዋ ያይቆባኔ ዮሳ ኣያ ማይራማኔ ሳሎማ ዴዖሶና። 41 ሄ ማጫ ኣሳቲ ዬሱሲ ጋሊላን ዴዒያ ዋዴ ኢያ ካሊዳይሳታኔ ኢያ ሞቢዳይሳታ ቃሲ ዬሱሳራ ኢሲፌ ዬሩሳላሜ ቢዳ ሃራ ደር ማጫ ኣሳቲ ያን ዴዖሶና።

ዬሱሲ ሞጊቲስ
(ማቶ 27:57-61፤ ሉቃ 23:50-56፤ ዮሃ 19:38-42)

42-43 ሳዓይ ኦማርሲዳ ዋዴ ሺቂዳ ኣሳን ቦንቹቲዳ ኣይሁዴ ሻንሳታፔ ኢሶይ፣ ዮሴፋ ጊያ ኡራይ፣ ያሳ ካዋቴላይ ያናይሳ ናጊሼ ዴዒይሲ፣ ኣርማቲያሳ ካታማ ኣሲ ዴዒይሲ ዪሰ። ዋንቴሉ ሳምባታስ ጊጌቲያ ጋላስ ጊዲዳ ጊሾ ዮሴፌ ሚኒዲ ጰላዖሳኮ ቢዲ፣ ዬሱሳ ኣሃ ኤካናው ዋሲሰ። 44 ጰላዖሲ ዬሱሲ ሃይቂዳይሳ ሲዒዳ ዋዴ ማላሌቲስ፤ ማቶ ሃላቃ ጭሊዲ፣ «ኢ ሃይቂዲ ጋምዒዴ?» ያገዲ ኦይቹስ። 45 ጰላዖሲ ዬሱሲ ሃይቂዳይሳ ማቶ ሃላቃፔ ሲዒዲ ኢያ ኣሃ ዮሴፋስ ኢሚስ። 46 ዮሴፌ ሞሳ ኣፊላ ሻሚስ፤ ዬሱሳ ኣሃ ማሰቃሊያፔ ዋሊዲ፣ ኣፊላን ፃዲዲ፣ ሹቻፌ ዋጩቲዳ ደፎ ጊደን ኢያ ኣሃ ሞጊስ። ቃሲ ሄ ዲፋዋ ደናን ጊታ ሹቹ ጎንደርሲዲ ዋሊሰ። 47 ማግዴላ ማይራማኔ ዮሳ ኣያ ማይራማ ዬሱሳ ኣሃ ኤንቲ ኣጫን ዋሊያኮ ቤዖሶና።

16

ዩሱሲ ሃይቆፔ ዳንዲስ

(ማቶ 28:1-8፤ ሉቃ 24:1-12፤ ዮሃ 20:1-10)

1 ሳሞባታይ አጂዳፔ ጉዬ ማግዳላ ማይራማ፡ ያይቆባ አያ ማይራማኔ ሳሎማ ቢዲ፡ ዩሱሳ አሃ ቲያናው ሺቶ ሻሚደሶና።

2 ዋጋ ዋዴ ዋንታ ዳሮ ጉራ ፃልቄይ ጨርሸን፡ ዲፋዋ ቢደሶና።

3 ኤንቲ ባንታ ጊደን ኢሶይ ኢሱዋራ፡ «ዲፋዋ ደናፔ ኮስ ሹቻ ኦኔ ጎንደርሲዲ ዲጋናይ?» ያጊዲ ኦዴቲደሶና።

4 ኤንቲ ፃሊያ ዋዴ ሄ ዳሮ ገታ ሹቻይ ጎንደራቲዲ ከቺዳይሳ ቤዲደሶና። 5 ዩሱሲ ሞጌቲዳ ዲፋዋ ጊደ ጌሊያ ዋዴ ኢሲ ፓንሳ አዳይ ቦላ ማዎ ማዲዲ፡ ኤሻቻ ባጋራ ኡቲዳይሳ ቤዲዲ ዳጋሚደሶና።

6 ሺን ኢ ኤንታኮ፡ «ዳጋሞፊቲ፤ ማስቃሊያ ቦላ ካቄቲዳ፡ ናዚሬቲ ዩሱሳ ሂንቲ ኮዬይሳ ታኒ ኤራይስ። ኢ ሃይሳን ዳና፡ ሃይቆፔ ዳንዲስ። ኤንቲ ኢያ ሞጊዳ ቤሳ ሃይሳ ቤዲቲ። 7 ሃዲ ቢዲ ዩሱሳ ታማሬታሲኔ ጳዴርሳስ፡ «ዩሱሲ ሂንቲፊ ሲንሳቲዲ ጋሊላ ቤስ። ኢ ሂንቲው ኦዲዳይሳዳ ሂንቲ ኢያ ያን ቤዳና» ያጊዲ ኦዲቲ» ያጊሰ።

8 ማጫሳቲ ያሻን ኮኮሪሽ ዲፋዋፔ ከዪዲ ባቃቲደሶና። ቃሲ ኤንቲ ያዪዳ ጊሾ ሄሳ ኦዴስካ አይኮካ ኦዲሶኮና። *

ዩሱሲ ማግዳላ ማይራሚስ ቤንቲስ

(ማቶ 28:9-10፤ ዮሃ 20:11-18)

9 ዩሱሲ ሃይቆፔ ዳንዲዳፔ ጉዬ ዋጋ ጋላስ ዋንታ፡ ላፑን ቱና አያናታ ከሲዳ ማግዳላ ማይራሚስ ኮይሮቲዲ ቤንቲስ። 10 ኢያ ባዳ ካሴ ኢያራ ዳዔይሳታስ፡ ኤንቲ አዛኒሼኔ ዩኪሽ ዳዲሺን ኦዲሱ።

11 ሺን ዩሱሲ ፓዓ ዳዔይሳኔ ኢው ቤንቲዳይሳ ኤንቲ ሲዲዳ ዋዴ ኢያ ጌይሳ አማኒሶኮና።

ዩሱሲ ናሞው ባ ታማሬታስ ቤንቲስ

(ሉቃ 24:13-35)

16:7 ማቶ 26:32፤ ማር 14:28 * 16:8 ኢሲ ኢሲ ቤኒ ማፃፋቲ ማርቆስ ዋንጌላ ፓይዶ 8 ቦላ ኤሶሶና። ቃሲ ኢሲ ኢሲ ማፃፋቲ ፓይዶ 9-20 ጋካናው ዳዲያ ቆፋ ጉጃሶና። ጊደሺን፡ ፓይዶ 8 ካሊዲ ዳዲያ ጉጃሶና። ሄሲካ [ማጫሳቲ ቢዲ፡ ከታንቸይ ኦዲዳባ ኡባ ጳዴርሳሲኔ ኢያራ ዳዔይሳታስ ቃንሳን ኦዲደሶና። ሄሳሬ ጉዬ፡ ዩሱሲ ባ ታማሬታ ጌሽኔ ሜሪና አቶቲላ ዋንጌላ ከታ ደሎሃፔ ወሎሃ ጋካናው ከቲስ።]

12 ሄሳፌ ጉዬ፣ ኤንታፌ ናምዓቲ ካታማፔ ኬዬዲ ቢሺን፣ ኦጌ ቦላ ዩሱሲ ካሴይሳፌ ዲማቲዲ ኤንታው ቤንቲሰ። 13 ኤንቲ ጉዬ ሲሚዲ፣ ሃራታሰ ኦዲደሶና፣ ሺን ሃራቲካ ኤንታ ኦዲ ቱማ ጊቦኮና።

ዩሱሲ ታማኔ ኢሲ ባ ታማሬታሰ ቤንቲሰ
(ማቶ 28:16-20፤ ሉቃ 24:36-49፤ ዮሃ 20:19-23፤ ሃ.ኦ

1:6-8)

14 ጉዬፔ ታማኔ ኢሲ ኢያ ታማሬቲ ካሌ ሚሺን፣ ዩሱሲ ኤንታው ቤንቲሰ። ኤንታው ኣማኖይ ባይና ጊሾኔ ሃይቆፔ ኢ ዴንዲዳይሳ ቤዒዳ ኣሳይ ኦዲን ኤንቲ ኣማኖና ኢዲዳ ጊሾ ኢ ኤንታ ቦሪሰ።

15 ኢ ኤንታኮ፣ «ቢታ ኡባ ቢዲ ኣሳ ኡባሰ ዋንጌላ ኦዲቴ።

16 ኣማኔይኔ ፃማቄቴይ ኣታና፣ ሺን ኣማኖናይ ፒርዴታና።

17 ኣማኔይሳታሰ ሃ ማላታቲ ኢሜታና። ኤንቲ ታ ሱንሳን ቱና ኢያናታ ኬሳና፣ ኦራላ ደናን ኦዴታና። 18 ኤንቲ ሾሹ ኦይኪኮካ ዋይኮ ዋዲያባ ኡዩኮካ ኤንታ ቆሄና። ቃሲ ኤንቲ ባንታ ኩሺያ ሃርጋንቾታ ቦላ ዋሒዲ ኤንታ ፓላና» ያገሰ።

ዩሱሲ ፑዴ ሳሎ ኬዩሰ

(ሉቃ 24:50-53፤ ሃ.ኦ 1:9-11)

19 ጎዳይ ዩሱሲ ታማሬታራ ኦዴቲዳፔ ጉዬ ፑዴ ሳሎ ኬዩሰ፤ ያሳፌ ኡሻቻ ባጋራ ኡቲሰ። 20 ኢያ ታማሬቲ ቢዳሶ ኡባን ቃላ ኦዲደሶና። ጎዳይካ ኤንታራ ኢሲፌ ኦሌሰ። ኤንቲ ኦዲያ ቃላይ ቱማ ጊዲዳይሳ ያሳይ ኤንታው ኢሚያ ማላታታን ኤሪሲሰ።

ኦሎሳ ጩቂዋ ኅፋሶ
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 21 Feb 2024 from source
files dated 29 Jan 2022
c35d6c73-3843-5482-b53e-7559d35deee5